

DANIE

Daniere papia miñecgac fonârekac i Danie e jahac mi qârenkewec. Danie e hâmomme faicnao wiac gâcne gâcne fua rawec irec binañ i papia mañnao mâmâc qârenkekiecne fokac izi inçuc hâcne mufua-nârekac. Papia qârenkewec ñic e Danie hone manac mi ehuc mâc gie â juju-ticnere binañ manawecte papia i qârenkehuc zâñene “Danie” muwec. Ñic zâñene Danie mukicne ere fuñne ine zinjuc manañgopeney: E mârâc jaha juwec. Ehamme Judañic Babilonj mârenko kâpâcwârueo bacjopa rakicne dameñ ira Danie e mâmâc barambiñ. Â Daniere papia fonârekac i ine zâhec jara 168-164 dameñ ñondeney ira mecne qârenkekiecne. Dameñ ira hâcne qâpuc ñicwofuñ moczi Judañic boc bâzâic-jopame zâra zâpâ faio jumbiñte, Anutuzi bafic-jopame juju binañ mocwâc fua-jareocmu, qârenñic e inçuc muhuc hâbi â mamananac-jeñic basanañkewec.

Daniere papia bâfâuckepene dâkâne jajahec fuakac. Moc i *gañ 1-6*, â moc ine *gañ 7-12*. Dâkâne namba 1 irec mañnao Danie juju-ticnere binañ bahuc qârenkekiecne, â dâkâne namba 2 ira ine juku wiac fuazokac irec dâñ â hawari wiac fuñne fuñne Daniezi guñqâhâñko â mañzâñe-ticnezi hone manac ewec irec dâñ â binañ sasawa qârenkekiecne forakac.

Dâkâne 1: Danie juju-ticnere dâñ â binañ

Gañ 1. Danie â ñicmotec âgofâcne 3 jañe Babilonj mârenko bacjopa rakicne, â ira

mamana ficko râec-jopapie mamana gie bahuc juku mamana â manfânânheç erâ jupie ñicwofunþe kiñanþ qaqa ñic fekiecne râec-jopakicne.

Gay 2. Ñicwofunþ Nebukaneza e guñ hâhâwicne moc maname mamana ñicfâc-ticne jañe fuñne kâuc bapie Daniezi guñþe fuñne mutâc-neme ñicwofunþzi kia sâko âkendânþnewec.

Gay 3. Ñicwofunþzi e jahacne qânþ qâqâtât sâko âkendânþnerâ ñic sasawazi aranþ bacneniñþe mume Danie â âgofâcne 3 jañe ine Wofunþ Anutu mocjaha aranþ bacnehuc numucnezo, iñuc muhuc qatarapie ñicwofunþzi maname gâpâreme mume zocko behec-jopamþiñ. Eme Anutuzi ñezic-jopame zoczi sahad-jenþic moc mi sipirickewec.

Gay 4. Ñicwofunþ Nebukaneza e guñ mocwâc maname Daniezi fuñne muwec.

Gay 5. Ñicwofunþ Belesaza â fekiecnefâc-ticne jañe tiwâ bâzi sâko ehuc bâbâsifuc â sindanþ epie sâpeo meqâreñ furune moc fuame Daniezi fuñne mufua-jarewec. Eme dâñ muwec i fârio qame ñicwofunþ okacne fisicnewec.

Gay 6. Danie e gie-ticne bame fârine bianþne fuame ñicwofunþ Dariuszi kia jañere fekiecne âkendânþnewec. Eme irec liñguuñ ecnehuc qoqoric dâñ bâfuahuc dâñko râepie ñicwofunþzi mana gâpârecnehuc mume qowi mimicne jañere sapao behemie huwec. Wofunþzi ine jañere mickonec bataramie honerâ hâwic-jopame fârepie wefuwec. Eme

ņicwofuņ e uucmaņ-ticnao Danie ere Anutu sawa araņ bacneniņte mumutâc râeme hae sâc rafârewec.

Dâkane 2: Findaņdâņ â irec hawari 4

Gaņ 7. Hawari namba 1. Daniezi guņko qowi 4 â “Ņic Fâri” honec-jopawec. Qowi 4 i mâreņ ñicwofuņ 4 jaņere uucmaņ irec sâsâc.

Gaņ 8. Hawari namba 2. Ira Daniezi lama â noniņ ñicne zuņe-jekichec honec-jofaha aņelo micne Gabirie eki fuacnerâ fuņne âzâcne mutâc ewec.

Gaņ 9. Hawari namba 3. Danie e Jeremi-are findaņdâņ mocte fuņne kâuc bawecte Anutuzi mutâcneceocte numucneme aņelo Gabiriezi fuarâ mutâcnecewec.

Gaņ 10. Hawari namba 4. Ira ine kecziņuc honewec: Israe ñic jaņe fific guguriņ â zârâ zâpâ faio jufekupie Wofuņ Anutuzi batarac-jopame dameņ bian mocwâc fua-jareocmu.

Danie â âgofâcne jaņe mamana gie bambiņ

¹ Juda ñicwofuņ Jojakim e ñicwofuņ gie bahuc jume jara 3 eha Babe ñicwofuņ Nebukanezazi fisirâ Jerusalem hae somâckewec. ² Ehame Wofuņ e Juda ñicwofuņ Jojakim â Anuture ufuņkonec wiac gâcne i Babe ñicwofuņte meo râewec. Eme eki ine wiac i nemu-ticnere ufuņ Sina* mâreņko ñewec ira barawec. Erâ nemu-ticnere ficko moner katapao râeme huwec. ³ Erâ ñicwofuņzi moner mafa soņaņ-ticne Asipenaza e

* **1:2:** I Babilonia mâreņte mukicne.

Israe ñic rocjopahuc ñicwofuñ â fekiecne jañere motecfâc gâcne bâwosâec-jopaocte âzâcnewec. ⁴ Ine motec kecziñucne jañe hâcne: Motec qiçicne, sa hac hawari bianñhec, mamanahec, mañqârâñ â mañfânâñhec, erâ ñicwofuñte ficko kiñañ gie aafec faio bapane. Motec iñucne rocjoparâ Kaldea ñic jañere qâreñ hawari â dân qazu-jareninñte mutâcneecnewec. ⁵ Erâ zoañ sâc ñicwofuñzi nânâ â waiñ opâ nâhuc juwec irec nâfocne jare gumec eninñte mutâcnewec. Jañe wiac qazu-jarekupie jara jahec â moc tarama ñicwofuñte kiñañ gie fuñkerâ baniñte mukicne. ⁶ Motec rocjopakicne jañere ñondenko Juda motec ziñuczi jumbiñ: Danie, Hanania, Misae erâ Azaria. ⁷ Eme kiñañ qaqa jañere micnezi zâñe ziñuc jare rawec: Danie ere zâñe Beletesaza, â Hananiare zâñe ine Sadaraka, Misae ere zâñe Mesaka â Azariare zâñe Abenego, iñuc mucjopawec.

⁸ Danie e ine ñicwofuñte nânâ â waiñ opâ nâhuc mañticne hegâpârezacte mi nâocte mu-pañkewec, irec nânâ wiac i mi nâzore nânâ soñañ micnezi manacneocte numucnewec. ⁹ Eme Anutuzi manaha nânâ soñañ micnezi Daniere maname boc biankeha mi qataracnewec. ¹⁰ Mâc ziñuc sawa âzâcnewec: “No ñicwofuñ-nanere hâwicnukac, eki hâcne nânâ opâ-ñeñicte mumu-pañ râewec. E sa hac-ñeñiczi âgofâc-ñeñic jañere sa hac irec sâc mi eme honerâ mume juju-nane omaeocmu.” ¹¹ Iñuc mume kiñaññic jañere micnezi Danie â Hanania â Misae erâ Azaria jañere soñañ moc râewec e hâcne Daniezi dân ziñuc

âzâcnewec: ¹² “Go sifu esâickerâ kiŋaŋ qaƣafâcge nâŋe zoaŋ gie bapa 10 irec sâc monzaŋ â opâ sawa gumec-nâponzaŋ. ¹³ Eme dameŋ i taramे nâŋe mecne â ŋicwofuŋte nânâ nâeŋgopieŋ jaŋe mecne mâmâc sahaç-nâŋec gowatupene honezemec. Erâ honec-nâpocmu irec sâcko wiac enârezemec.” ¹⁴ Eme soŋaŋ e dâŋjeŋic manarâ zoaŋ gie bapa 10 iŋuc ejarewec. ¹⁵ Zoan gie bapa 10 taramे sahaç hawari-jeŋiczi motec gâcne ŋicwofuŋte nânâ nâmbiŋ jaŋere sahaç sirickehuc biuc wokemaŋ sâkohec ewec. ¹⁶ Iŋuc fuame nânâ soŋaŋzi nânâ â waiŋ nâniŋte mujarekicne i bârâriehuc monzaŋ sawa gumec-jopawec.

¹⁷ Eme Anutu e ŋicmotec 4 jaŋe qâreŋ honehuc wiac fuŋne fuŋne mana taraniŋte mamana bâfuac-jarewec; Danie eki ine maŋko fuac dâŋ â guŋte fuŋne i mâmâc mana tarawec. ¹⁸ Eme motec sasawa jaŋe ŋicwofuŋte maio fuanŋte mukicne dameŋ i maickeme kiŋaŋŋic jaŋere micne sâkozi ŋicwofuŋ Nebukanezare ficko jowac-jopa fewec. ¹⁹ Eme ŋicwofuŋ e jaŋehac dâŋ muc manac embiŋ. Ehamе motec sasawa jaŋere ŋondenko Danie â Hanania â Misae erâ Azaria jaŋe iŋucne moc mi bâfuac-jopawec. Ireç jaŋe hâcne ŋicwofuŋte motec fuŋfuŋfâcne juniŋte râec-jopakicne. ²⁰ Eme ŋicwofuŋ e wiac irec me irec mu indŋ ejareme jaŋere mamana â maŋqârânzi e jahacne mâreŋko qaŋgeç bapa â mamana ŋic jumbiŋ jaŋere sâc jâuru-fârewec. ²¹ Eme Danie e ira kiŋaŋ qaƣa gie bahuc juhame ŋicwofuŋ Kiru ere dameŋ maickewec.

2

Daniezi guņte fuņne muwec

¹ Nebukaneza e ņicwofuņ gie-ticne bahuc jume jara 2 eha guņ moc manawec, ehuc maņne gâckeme mana qâqârerâ faharewec.

² Erâ guņ manawec irec fuņne qahuc âzâcneniņte ņicwofuņzi fuņne qaqa â ņic maņfânâņhec â qaņgec bapa erâ Kaldea ņic jaņe hefârec-jopawec. Eme jaņe fisirâ ņicwofuņte maio tumaņnembiņ.

³ Tumaņnepie ņicwofuņzi ziņuc jazawec: “No guņ manapac, ehuc fuņne mana tarapemurâ eipiehuc maņhâhâņ enarekac.”

⁴ Iņuc mume Kaldea ņic jaņe ziņuc âzâcnembiņ: “O ņicwofuņ, go damenĵ tâmiric jufezemec! Go guņ manamec i kiņaņņicfâcge nâņe nâzâtec irec fuņne gaza mutâc enzepeneņ.”

⁵ Iņuc mupie ņicwofuņzi Kaldea ņic dâņ ziņuc bâtikie-jarewec: “No dâņ ziņuc mupaņke-jâmbâņkekopac: ņoņe guņ wenimoĵ manapac i mufuahuc irec fuņne naza mutâc mi eniņmuo ine henzaņ qanzaņ-ņopahuc fic hae-ņeņic imackepemu.

⁶ ņifec ine guņ manapac i â irec fuņne mutaniņke-nareniņmuo ine taha â bubianĵte wiac ņare tahac epe zâņe biņehec eniņmu. Irece guņ manapac â irec fuņne i mâmâc naza mutâc eniņ.”

⁷ Eme jaņe dâņ ziņuc bâtikiecnepie arecne jajahec ewec: “O ņicwofuņ, go guņgere binaņ banâretec fuņne gaza mutâc enzepeneņ.”

⁸ Eme ņicwofuņzi jazawec: “No mana-jâmbâņkekopac, ņoņe dâņnanere manapie fârine eha damenĵ âke suepie fekac.

⁹ Dâņnane kecziņucte manapie fârine

ekac hâcne: Nõje guñte fuñne mi mananiñmuo ine okacne bazu-ñjarepemu. Nõje zĩñuc muc manac ehuc mañ mocjaha embiñ: E eatuckehuc juhapene dameñ moc maickezejec. Irec nõje guñ wenimoi manapac i nazaniñ, nazapie zĩñuc mana tarapemu: Jañe irec fuñne wâc sâcne naza mutâc eniñmu.”¹⁰ Eme Kaldea ñic jañe ñicwofuñ dâñ zĩñuc bâtikiecnembiñ: “Mâreñko ñic moczi ñicwofuñ go guñgere dâñ gaza mutâc eene i mi fokac, erâ juwicnao ñicwofuñ sâko moczi fuñne qaqa me qañgec bapa me Kaldea ñic wiac iñucnere moc mi wio-jarewec.¹¹ Ñicwofuñ go wiac enañte mukomec i ñemâcne jâmbâñ, irec i mâreññiczi mâcne, nemu mâreññic jañehc mi juenğopienzi ñicwofuñ go sâcne gaza mutâc eniñmu.”

¹² Iñuc mupie ñicwofuñzi aaric sâko manahuc mañe bâruñkeme Babe mâreñkonec mamana ñic sasawa bâsirowec-jopaniñte muwec.¹³ Eme mamana ñic hâcne jopaniñte dâñ râepie rawec. Ehame Danie â âgofâcne jañe mâmâc bâfuac-joparâ jopaniñte basac-jopambiñ.¹⁴ Eme Arioko e ñicwofuñte momori fuñfuñfâc jañere micne juweczi Babe mâreñkonec mamana ñic jopaocte rahame Daniezi kamierâ zĩñuc muhuc wiocnewec:¹⁵ “Ñicwofuñ e wemocte dâñ hâhâwicne iñucne râekac?” Iñuc wiocneme Ariokozi Danie fuñne qahuc âzâcnewec.¹⁶ Eme Danie e fuñne manarâ erificko ferâ ñicwofuñzi dameñ moc bacneocte numucnewec; i ñicwofuñ guñticnere fuñne âzâcne mutâc eocte iñuc ewec.

¹⁷ Erâ Danie e ficticnao risierâ âgofâcne Hana-

nia, Misae â Azaria jaņe wiac irec binaj ba-jarewec. ¹⁸ Ehuc jaņe jaņacne Babe mamana ņic gâcne jaņehc sipirickenzipiņte sambâņte Anutu numucnepie eki busâqoc mana-jarehuc guņte fuņne mumure bafickeocte jazawec. ¹⁹ Eme Danie e ņafeo guņqâhâņ ecneme guņte fuņne mana tarawec, mana tarahuc sambâņte Anutu ziņuc muhuc muteņ bâteņ ecnewec:

²⁰ “Maņqârâņ â tâpiri focneekac,

Anutu e hâcne muteņ bâteņ ecnehuc juzo.

²¹ Eki hâcne mume dameņzi hec hetikic eekac;

eki ņicwofuņ âkendâņ-jopaekac â bârâriec-jopaekac;

eki ņic maņqârâņhec maņqârâņ jaha afuse-jareekac,

â maņfânâņhec jaņe mamana tahac-jopaekac.

²² Wiac game hukicne soņsoņko foekac i bataniņkeekac;

â wiac dapâc qisiricko foekac i manaekac, erao tatamaczi qaja fuserâ foekac.

²³ O mamacfâc-nane jaņere Anutu, no daņge mumuteņ egarekopac,

goki hâcne maņqârâņ â tâpiri bâfua-naremec, erâ numu-garembeneņ i honehuc

irec fuņne naza mutâc emec,

go ņicwofuņ guņticnere fuņne bataniņke-nâremec hâcne.”

²⁴ ņicwofuņ e Babe mamana ņic bâsirowec-jopaocte Arioko mutâcnecnewec, eme irec hâcne Danie e Arioko fuacnerâ

ziņuc âzâcnewec: “Go Babe mamana ņic mi qâhâmoc-jopazemec, aricne, go ņicwofuņtao jowacnu fetec guņticnere fuņne âzâcne mutâc epemu.”

²⁵ Mume Ariokozi Danie bâruņ jaha ņicwofuņtao jowa ferâ ziņuc âzâcnewec: “No Juda kâpâcwâru ņic jaņere ņonderĵkonec ņic moc bâfuakopac eki hâcne ņicwofuņ guņgere fuņne mutaniņkeocmu.” ²⁶ Eme ņicwofuņzi Beletesaza, Danie hâcne, e ziņuc âzâcnewec: “Guņ manapo irec fuņne i goki sâcne mutâcne-narecmu me?”

²⁷ Eme Daniezi ņicwofuņ dâņ ziņuc bâtikiecnawec: “Wiac soņnere mu wioc ekomec i ņic mamanahec me fuņne qaqa me qaņģec bapa me bâpiņte fuņne mamana ņic jaņe sâcne mi gazaniņmu.

²⁸ Mâc sambâņko Anutu moc jukac eki wiac soņsoņko foekac i sâcne bataniņkeekac. Ekizia wâc juku wiac weniņucne fuazokac irec dâņ i ņicwofuņ Nebukaneza go hâcne gaza gowatuc ewec. Go guņ manahuc maņzâņeģe tâcneme wiac hone manac emņ irec fuņne kecziņuc:

²⁹ O ņicwofuņ, go fofogao fohuc juku wiac fuazokac irec manatâc qâtâc emeņ, ehame wiac soņsoņko fome bataniņkeekaczi wiac fuaocmu i mutâcne-garewec. ³⁰ Nore maņqârâņzi ņic gâcne jaņere maņqârâņ i sirickekacte mâcne, ņicwofuņ go maņģezi guņte fuņne mana taracmurâ wiac soņne keczi bataniņke-narekicne.

³¹ “O ņicwofuņ, go guņko qâņ hawari moc honemeņ. Qâņ hawari i kâcģene sâko erâ qaņ kisieckekicne, gore maio domame honerâ bipic tatara egarewec. ³² Qizec-ticne golzi bakicne,

mejahecne â amecne i siliwazi bakicne erâ bune â gâjoņne aeņ bâbâroņzi bakicne. ³³ Kike dâtâņne i aeņzi bakicne â kike tapene ine aeņ â afezi ocņondeņ bakicne. ³⁴ Eme go honehaņtecne qânâ moc ņicmezi mi fasaekicne izi waharâ qâņ qâqâtâc kike tapene aeņ â afezi bakicne i mi henzaņnezejec i! ³⁵ Ehuc aeņ mecne afe mecne aeņ bâbâroņ mecne erâ siliwa â gol i mâmâc jaha henzaņ qanzaņneme padi bâbâmârâņ ficko padi jawane foekac irec sâc ewec; eme mâņâņzi bawiseme omae-fârewec. Qânâ qâņ qâqâtâc henzaņnewec izi ine soka ņedâmârec ehuc tiki sâko erâ mâreņ sâko mâreņ ņefusucmawec.

³⁶ “O ņicwofuņ, go guņ iņuc hâcne manameņ, zi ine fuņne gazapemu. ³⁷ O ņicwofuņ, go ņicwofuņ jaņere ņicwofuņ, sambâņte Anutuzi guriņ bapa gie â tâpiri â sasanaņ erâ zâņe biņe i go hâcne tahacguwec. ³⁸ Gore meo hâcne mâreņ sâc irec ņic â qowi erâ sawa wipe râec-jopa-fârewec, ehuc rauc-joparâ hone soņaņ ejarecmurâ tâpiri qikiņne-garewec. Qâņ qâqâtâcte qizec golzi bakicne honemeņ i go hâcne. ³⁹ Juku gore gie bapa dameņ tarame guriņ bapa ņic moc fuarâ gore waha micne juocmu; eme ere dameņ tarame ine guriņ bapa ņic moc fuame arecne 3 eocmu. Eki aeņ bâbâroņ tinac eocmu, ehuc mâreņ sâko mâreņ hone soņaņ ecneocmu. ⁴⁰ Eme guriņ bapa ņic namba 4 fuarâ aeņ iņucne erâ juocmu. E aeņzi wiac sasawa henzaņ qanzaņne-fâreekac irec sâc jaha mâreņko wiac sasawa henzaņ qanzaņne-fâreocmu. ⁴¹ Kike tape â kike motecne afe â aeņzi ocņondeņ bakicne honemeņ irec fuņne

ine keczinuc: Juku uucmanj zizi fâuckeocmu, erâ sifu sasanaj piticne focneocmu, afe â aej ocjondenj fome honemenj irec sâc. ⁴² Eme kike motecne njifec afe â njifec aejzi bakicne honemenj irec sâc jaha uucmanj njifeczi dockeha njifeczi sanajkeocmu. ⁴³ Eme aej â afe bâsifuckekicne honemenj irec sâc jaha njic njokac jaņe roroc ehuc sisifuc eniņmu; aej â afe jahe bobohota sanaj mi eekopirec inuc jaha njic njokac jaņe qâfâsâerâ mocjaha mi eniņmu. ⁴⁴ Mâc njicwofuņ keci jaņe junijmu damenj ira ine sambânjte Anutuzi uucmanj fuņmoc bâfuaocmu i ima bapanere sâc mi eocmu, erâ guriņ bapa gie-ticne i njic gâcne jaņerao moc mi fotâcneocmu, aricne, i njic gurune gurune zi jaņe qanzaj-jopahuc sipiric-jopaocmu; uucmanj izi ine damenj tâmiric fofehuc juocmu sanaj. ⁴⁵ Go qânâ moc njicmezi mi fasaekicne i tikionec waharâ aej â aej bâbâronj â afe â siliwa erâ gol qanzajņeme honemenj irec sâc fuaocmu hâcne. Anutu sâkozi juku wiac fuazokac i njicwofuņ go hâcne gaza gowatuc ewec. Guņ i fârine, â fuņne qahuc gazakopac i wâc fârine jaha.”

⁴⁶ Eme njicwofuņ Nebukaneza e zâņe maine mârenko hetutuckerâ Daniere manfuņko fodapehuc taha bâzi â hosâc âsu bianj rikecneniņte mutâcne-jarewec. ⁴⁷ Erâ Danie zinuc âzâcnerâ muwec: “Anutuge e jâmbomac nemu jaņere Anutu fârine â njicwofuņ jaņere Wofuņ Sâko. Eki hâcne wiac soņsoņko foekac i bataniņkeekac, eme go irec hâcne guņte fuņne wâc sâcne bataniņke-nâremec.” ⁴⁸ Njicwofuņ e inuc murâ Danie zâņe biņe-ticne bafaharehuc taha wiac

furi sâko râcnerâ Babe mârențe Țic fekiecne âkendânnewec, ehuc Babe mârenkonec mamana Țic jaȚere micne bapa wâc râewec. ⁴⁹ Eme Danie e ȚicwofuȚ numucneme eki Sadaraka, Mesaka â Abenego jaȚe Babe hae mârențe soȚaȚ micne âkendân-jopawec. Danie e jahacne ine ȚicwofuȚte maȚfuȚko zuhuckerâ juwec.

3

Nic jahec â moc zocbâruiȚkonec rocjopacicne

¹ ȚicwofuȚ Nebukanezazi mume Țic jaȚe qâȚ qâqâtâc moc golzi bambiȚ, zoricne-ticnere sâc i kubi* 60 â otecne-ticnere sâc i kubi 6. Erâ mume Babe hae mârențe wâneȚ zâȚene Dura ira âkendânsembiȚ. ² Erâ mu jambuȚ ecneniȚte ȚicwofuȚzi Țic kecziȚuc hefârec-jopawec: Kia sâko â hae soȚaȚ kâcȚene, momori micne â dâȚte babafic Țic, moneȚ soȚaȚ â mamana Țic erâ soȚaȚ micne gâcne gâcne. ³ Eme Țic i jaȚe fisi-fârerâ tumaȚnehuc ȚicwofuȚ Nebukanezare qâȚ qâqâtâc mu jambuȚ ecneniȚte maȚfuȚnao domambiȚ. ⁴ Ehame mumutâc Țic e hahaȚne bahuc kecziȚuc muwec: “O Țic gurune gurune, â mârenȚ sâc dâȚne dâȚne muenȚgopieȚ ȚoȚe mutâcne-Țarepe mananiȚ: ⁵ ȚoȚe qeȚ me mimi Țokac me gita me kulele me gonȚon me wonȚâȚ me musi wiac gâcne jaȚe fânânȚkepie manarâ izia ȚicwofuȚzi mume qâȚ qâqâtâc golzi barâ âkendânsembiȚ i dapecnehuc numucnenȚepieȚ. ⁶ Â moc e mi fodapecnehuc numucneocmu e ine

* **3:1:** 1 kubi i sâcmeta moc 18 inses me 46 senti meta irec sâc.

bâruņ jaha zocko sârockepie hurâ zazejec.” ⁷ Irec musi wiac sasawa i jaņe fânâņkepie ñic ñokac tumaņnemiņ sâc jaņe mana manahuc izia fodape-fârerâ qâņ qâqâtâc ñicwofuņ Nebukanezazi mume âkendâņnemiņ i numucnemiņ.

⁸ Eme dameņ ira Kaldea ñic gâcne jaņe fuarâ Judaņic boc qoric-jopamiņ. ⁹ Ehuc ñicwofuņ Nebukaneza dâņ ziņuc âzâcnemiņ: “O ñicwofuņ, go dameņ tâmiric jufezemec. ¹⁰ Goki hâcne dâņ ziņuc mutâcnemeņ: Qeņ me mimi ñokac me gita me kulele me goņgoņ me woņgâņ me musi wiac gâcne gâcne jaņe fânâņkepie manarâ izia qâņ qâqâtâc golzi bakicne i fodapecnehuc numucneņzepieņ. ¹¹ Â moc e mi fodapecnehuc numucneocmu e ine zocko sârockepie hurâ zazejec. ¹² Eme Judaņic kecziņuczi Babe hae mâreņko guriņ bapa gie baniņte go gahac mujaremeņ, Sadaraka, Mesaka â Abenego. O ñicwofuņ, ñic i jaņe hâcne dâņge mana rereņ moc mi eeņgopieņ; jaņe nemufâcge kiņaņ mi qajareeņgopieņ â qâņ qâqâtâc golzi bakicne, go gahac mutec âkendâņnemiņ i wâc mi numucneeņgopieņ.”

¹³ Iņuc mupie Nebukanezazi aaric sâko manahuc Sadaraka, Mesaka â Abenego jaņe erao bacjopa fisiniņte muwec. Eme bacjopa fisimiņ. ¹⁴ Fisipie Nebukanezazi ziņuc muhuc wio-jarewec: “O Sadaraka, Mesaka â Abenego, ñoņe nemufâc-nane kiņaņ mi qajareeņgopieņ â qâņ qâqâtâc golzi bakicne i no nahac mupe âkendâņnemiņ i mi numucneeņgopieņ, dâņ i jâmbomac me burec? ¹⁵ Irec mananiņ, ñoņe

qerj me mimi njokac me gita me kulele me goŋgoŋ me woŋgâŋ me musi wiac gâcne gâcne jaŋe fânânkepie manarâ afeckehuc qâŋ qâqâtâc golzi bakicne no nahac mupe âkendânembiŋ i numucneniŋmuo ine manape taraocmu, iŋuc mi eniŋmuo ine mupe bâruŋ jaha zocko sâroc-ŋopapie hupie zacŋopaocmu. Ehame mo Anutuzi nore meonec moc batarac-ŋopaocmu?”

¹⁶ Njicwofuŋzi iŋuc mume Sadaraka, Mesaka â Abenego jaŋe dâŋ kecziŋuc bâtikiecnembiŋ: “O Nebukaneza, nâŋe dâŋ okacne bâtikie-garenanŋte mi enârekac. ¹⁷ Me gore dâŋzi sananŋkeocmuo ine Anutu-nâŋec kiŋaŋ qacnehuc juenŋopeneŋ eki zockonec me gore meonec batarac-nâpozo murâ sâcne batarac-nâpooocmu. ¹⁸ Mi batarac-nâpooocmuo ine njicwofuŋ go sifu ziŋuc manazemec: Nâŋe gore nemufâc kiŋaŋ mi qajarenaŋmu â qâŋ qâqâtâc golzi bakicne go gahac mutec âkendânembiŋ i wâc mi numucnenaŋmu.”

¹⁹ Eme Nebukaneza e aariczi maŋne fusucmame Sadaraka, Mesaka â Abenego maic-jopahuc zâŋe mai-ticnezi sâqore-jâmbânkewec. Eme mume zoc zaza kuzi sâkoo zoc ruqembiŋ izi dameŋ gâcnao ruqepie fâroroc fua jujec irec sâc i boc sirickehuc fâroroc sâkonehec ewec. ²⁰ Eme momorifâcne jaŋeraonec njic tâpiri sâkohec gâcne jaŋe Sadaraka, Mesaka â Abenego niŋgiŋ-joparâ zoc zaza kuzi sâkoo beheç-jopaniŋte mujarewec. ²¹ Eme jaŋe njic i hâcne ŋaqi-jeŋic maŋne â sahaçne erâ dujeŋic â wiac gâcne rojumbiŋ ihec bândeŋ-joparâ zoc

zaza kuzi sâkoo zoc zawec ira behec-jopapie humbiņ. ²² Ņicwofuņ ere mumupaņ sanan qaņqaņne fowecte â zoc zaza kuzi hâhâwicne fârorockewecte Sadaraka, Mesaka â Abenego zoc zaza kuzi mecnao bacjopa fembiņ ņic i jaņe zocbârui zi zâhâmoc-jopawec. ²³ Eme ņic jahec â moc hâcne, Sadaraka Mesaka â Abenego, jaņe niņgiņhec zocmaņko humbiņ.

²⁴ Eme ņicwofuņ Nebukaneza e warecke sâqorerâ zocnehec faharerâ micnefâc-ticne wio-jare muwec, “Hâc, nâņâc ņic jahec â moc me wezimuc zocko behec-jopambeneņ?” Jaņe ņicwofuņ âzâcnembiņ, “O ņicwofuņ, iņuc hâcne!” ²⁵ Eki muwec, “No ine ņic 4 niņgiņ tâmiric zocmaņko rac warec epie honec-jopakopac, erâ zoczi mi zâtâc-jopakac. Â moc i honepe nemure motec hawari ekac.”

²⁶ Eme Nebukaneza e zoc zaza kuzi sâko motâc-ticne ra bâqiņkerâ muwec, “Sadaraka, Mesaka â Abenego, Anutu Femicne ere kiņaņ qaqa fâc, ņoņe wefurâ zira wareniņ.” Mume Sadaraka, Mesaka â Abenego zockonec wefumbiņ. ²⁷ Eme kia sâko â hae soņa kâcqe ne â momori micne erâ ņicwofuņ dâņte baficke jumbieņ ņic i jaņe ture-fârerâ honembiņ: Zoczi ņic i sa hac-jeņicko sisipiric moc mi bâfuawec, qizec susuc-jeņic moc mi qeraņkewec, ņaqi-jeņic moc mi zâtâcnewec â sa hac-jeņicko qeraņ âsu moc mi fiwec. ²⁸ Eme Nebukanezazi muwec: “Sadaraka, Mesaka â Abenego jaņere Anutu mutenkezo. Jaņe Anutu manasiņkehuc ņicwofuņte mumupaņ

qâsuambin, ehuc sa hac-jenict e mana mezac mi ee nemu jabane qikin-jopa-fârerâ janacne Anutu mocjaha kinan qacnehuc numucnemin. Inuc epie Anutuzi anelo-ticne soreme kinan qaqafâc-ticne nîc sisipirickonec batarac-jopajec. ²⁹ Nemu moczi mâsi kecinuc ehuc sisipirickonec babatarac-jopa i mi fokac. Irec nîcne nîcne â mârenne mârenne â dânne dânne janeraonec moczi Sadaraka, Mesaka â Abenego Anutu-jenic musorinkeocmu e hefâuckepie dâkâne dâkâne fuazejec â ficticne imackepie sesuctac fuazejec.” ³⁰ Nîcwofun e dân inuc murâ Sadaraka, Mesaka â Abenego mutara-jareme juwicnao Babe mârenko gie fekiecne bajumbin ijaha mocwâc zuhuckerâ bambin.

4

¹ Nîcwofun Nebukaneza e mâren sâko mâren irec nîc gurune gurune â dânne dânne jan dân zinuc jazakac: Wamazi nonerao qaja fuserâ fozejec. ² Anutu Femicne sâkozi mâsi â wiac zâne furu norao ebac ewec i mutaninkepemurâ boc enarekac.

³ Mâsi bapa-ticne i hone warec eene
 â wiac zâne furu bâfuaekac i qen bipinehec.
 Ucman-ticne i fofo sanan
 â guriñ bapa gie-ticne i mimiñzi qâric
 forazihuc juocmu.

Nebukanezazi guñ mocwâc manawec

⁴ Nebukaneza no erific-naneo mana mezac tâmiric bubian faio juhuc jupo. ⁵ Juku guñ moc manarâ hâwicnume fofo-naneo fohuc dân

manasupo â wiac zâŋe furu honepo irec maŋ kukumbuc enarewec. ⁶ Injuc fua-nareme no Babe mâreŋkonec mamana ñic sasawa norao jowac-jopa warepie guŋte fuŋne naza mutâc eniŋte dâŋ râepe rawec. ⁷ Eme fuŋne qaqa â qaŋgec bapa â Kaldea ñic erâ bâpiŋte fuŋne mamana ñic jaŋe fisipie guŋ manapo irec binaŋ bajarepo, eme jaŋe irec fuŋne nazaniŋte ñemâckembiŋ. ⁸ Zâheç ine Daniezi nore maio fuawec wâc. Ñic e nemu-nanere zâŋeo wase bahuc Beletesaza mucnembiŋ, nemu tirine jaŋeraonec mamana bajukac. Eme no e hâcne guŋ manapo irec binaŋ bacnehuc kecziŋuc âzâcnepo: ⁹ “O Beletesaza, qaŋgec bapa jaŋere micne sâko, no gore fuŋne ziŋuc manakopac: Nemu tirine jaŋere Mârozi gore maŋko juekac irec go wiac soŋnere fuŋne muzo murâ mi ñemâckeekeic; irec guŋko wiac hone manac epo irec fuŋne nazazemec. ¹⁰ No fofu-naneo fohuc guŋko jâc zoricne zora moc mâreŋ zâzâŋiŋko domame honepo. ¹¹ Eme jâc i sokarâ zora feku botâŋnezi sambâŋ âke uwawec; ehame mâreŋ qaŋeŋnao jumbiŋ jaŋe honembiŋ. ¹² Rehacne biaŋne â hândâŋne bocjaha, irec ñic sasawa nânâ bâfua-jarewec. Kâte qowi jaŋe fisirâ mumuc-ticnao fomanambiŋ â wipe jaŋe tieŋnao waha herâ ñembiŋ, ehame mâreŋko wiac jujune sasawa jaŋe irec hândâŋne nâmbiŋ.

¹³ “Eme no zuhuckerâ guŋ manahuc ruc bapa ñic tirine moc sambâŋkonec wahame honepo. ¹⁴ E dâŋ hahanne bahuc kecziŋuc nazawec: ‘Go jâc keci qâfierâ tieŋ taŋne

hetâcnehuc rehacne ârârâcke-fârec, erâ hândâņne bătâtie-fârec; ehame mumucnao qowi foranġopienj â tieņnao wipe ņeņġopienj jaņe mâmâc jaha wise-fârenzepienj. ¹⁵ Jâctuc funġâtânehec e ine mâreņko behetec aeņ me aeņ bâbâroņzi niņġiņkerâ basanaņkeme kecqaņ gieo ņezejec. Ehame maniņ titikuczi bânġgumuņkeha qowi jaņehec mâreņko kecqaņ nâhuc juzejec. ¹⁶ Eme ņic mamasu-ticne jâoc rorâ qowi mamasu râcnezo, eme ihec juhame jara 7 tarazejec. ¹⁷ Dâņ i ruc bapa ņic jaņere mumupaņ dâņ erâ tiriņic jaņere sâcmutâc, irec ņic jujune jaņe ziņuc mana taranzeņienj: Femicne sâko e mâreņ ņicwofuņ jaņere Wofuņ jukac jaha, ehuc uucmaņ-jeņic i ņic mocte meo râezo murâ râeocmu, me ņic wahacicne moczi soņaņkeocte râcnezo murâ wâc râcneocmu.’ ¹⁸ ņicwofuņ Nebukaneza no hâcne ġuņ iņuc manapo. Eme nore uucmaņko mamana ņic juņġopienj sasawa jaņe fuņne nazaniņte eipiepie Beletesaza goki nemu tirine jaņeraonec mamana fogarekacte fuņne mutâcne-narezemec.”

¹⁹ Eme Danie, zâņe-ticne moc Beletesaza, e dâņ iņuc manarâ fâfârehuc maņticne ġâckewec. Iņuc eme ņicwofuņzi ziņuc âzâcnewec: “O Beletesaza, go ġuņte me fuņne mumure maņge mi ņemâckezejec.” Mume Beletesaza eki dâņ ziņuc bătikiecnawec: “O bomboņ-nane, go ġuņ manameņ i qaisocġueņġopienj jaņerao fârinehec ezac â irec fuņne i râsifâcge jaņerao taniņkezac! ²⁰ Jâc honemeņ i sokarâ zora feku botâņnezi sambâņ âke uwame ņic mâreņ

qaŋeŋnao jumbiŋ jaŋe honembiŋ. ²¹ Erâ rehac-ticne biane â hândâŋne bocjaha irec ŋic sasawa nânâ bâfua-jarewec, erâ kâte qowi jaŋe mumuc-ticnao fomanambiŋ â tieŋnao wipe jaŋe waha herâ ŋembiŋ jâc irec fuŋne kecziŋuc: ²² Jâc i ŋicwofuŋ go hâcne, go hâcne kâcŋene â tâpirihac, zâŋe biŋegezi ŋedâmârerâ sambânko fisikac â guriŋ bapa giegezi mâreŋ qaŋeŋne sâckekac. ²³ Erâ ŋicwofuŋ go ruc bapa ŋic tirine moczi sambânkonec waharâ dâŋ kecziŋuc mume hone manac emeŋ: ‘Jâc qâfierâ imackezemec, ehuc tucne fuŋgâtânehec ine mâreŋko behetec aeŋ me aeŋ bâbâronzi niŋgiŋkerâ basanaŋkeme kecqaŋ gieo ŋezejec. Ehame maniŋ titikuczi bâŋgumuŋkeha qowi jaŋehac kecqaŋ nâhuc juhame jara 7 tarazejec.’ ²⁴ O ŋicwofuŋ, dâŋ kecirec fuŋne kecziŋuc fokac: I Femicne sâko ere mumupaŋ, i gore erâ fuakac. ²⁵ Go hâcne ŋicguruonec jâpecgupie kâte qowi jaŋehac ŋeŋe juju ecmu; erâ egarepie bulimakao iŋucne kecqaŋ nâhuc juhanteŋc maniŋ titikuczi bâŋgumuŋguha jara 7 taraocmu. Iŋuc fuame ziŋuc mana taracmu: Femicne sâko e mâreŋ ŋicwofuŋ jaŋere Wofuŋ jukac jaha, ehuc uucmaŋ-jeŋic i ŋic mocte meo râezo murâ râeocmu. ²⁶ Erâ jâctuc fuŋgâtânehec mâreŋkoa behetec ŋeocce mukicne dâŋ irec fuŋne kecziŋuc: Sambân Wofuŋzi wiac sasawa irec guriŋne baekac, go iŋuc mana taracmuo ine uucmaŋzi fogareocmu. ²⁷ O ŋicwofuŋ, go irec hâcne dâŋnane mana maŋ ehuc juzemec. Go tiŋne juhuc sâqocne qikiŋne beheŋ ezemec â bâzâic-jopakicne jaŋe

ehâmo-jarehuc hehesicge râpeckezemec. Go injuc ehuc dameņ zora juhâc qâhâmocmu.”

²⁸ Wiac i sasawa ñicwofuņ Nebukaneza erao fârio qawec. ²⁹ Juku mosa 12 tarame Babe haeo erific-ticnere bupu qaquadape bakicne ira rac warec ewec. ³⁰ Ehuc kecziņuc muwec: “Ñicwofuņ hae sanaņ-nane erâ ñeocte â zâņe biņe-nane ferâ foocte tâpiri wânzâņ-nanezi Babe hae sâko bapo ziņe hâcne.” ³¹ Ñicwofuņ e dâņ injuc muha izia sambâņkonec dâņ moc kecziņuc fuawec: “O ñicwofuņ Nebukaneza, gore dâņ ziņuc mukicne: Uucmaņ i gowac rokiçne. ³² Irec ñicguruonec jâpecgupie kâte qowi jaņehec ñeņe juju eçmu; erâ egarepie bulimakao injucne kecqaņ nâhuc juhaņtec jara 7 taraocmu. Injuc fua-gareme ziņuc mana taracmu: Femicne sâko e mâreņ ñicwofuņ jaņere Wofuņ jukac jaha, ehuc uucmaņ-jeņic i ñic mocte meo râezo murâ râeocmu.” ³³ Dâņ i fuaha izia Nebukanezarao fârinehec ewec. E ñicguruonec jâpepie bulimakao injucne kecqaņ nâhuc juwec; ehame maniņ titikuczi fuame sahaç-ticne bânâņke-fâreme qizec susuc-ticnezi tuçwipere suhuc tinac ewec â zârâic-ticnezi wipe jaņere zârâic injucne ewec.

³⁴ Eme dameņ i tarame Nebukaneza no sambâņko fiçe feme maņ mamanasu-nane mocwâç unjome Femicne sâko, jujufâre hâcne, e araņ bacnehuc muteņ bâteņ ecnepo.

Ere uucmaņzi hâcne fofo sanaņ

â guriņ bapa gie-ticne i mimiņzi qâric forazihuc juocmu.

³⁵ Mâreņte ñecjuçfâç jaņe waha qaçane sasawa,

irec sambânko tâpirihec juengopien
 me mârenko ñec juc eengopien
 jañe inuc me inuc ejarezo murâ ejareocmu.
 Ehame moczi moc qataracnehuc dân zinjuc
 ââzâcnene mi fokac: “Go wemo wiac ekomec?”
³⁶ Dameñ ijaha mañ mamasu-nane mocwâc
 untowec, erâ uucmañ-nanere zâñe biñe
 omaezacte quñqasañ â eri qarawen-nane
 mocwâc fuawec wâc. Eme kia sâko â soñañ
 micnefâc-nane jañe mocwâc maicnumbiñ.
 Ehame ñicwofuñ gie hefârockerâ bahape tâpiri
 mocwâc fua-narewec. ³⁷ Nebukaneza no irec
 hâcne sambân Wofuñ Sâko mutenkekopac, erâ
 sâsehuc arañ bacnekopac; e gie bapa-ticne
 sasawa i fârine hâcne â hata-ticne i tiñne
 fokac. Mañfefehec juengopien ñic i jañe
 bawahac-jopaekac.

5

Me moc sâpeo fuarâ dân qârenkewec

¹ Ñicwofuñ Belesaza e ñicfâc-ticne fekiecne 1
 tausen jañere erâ tiwâ bâzi sâko moc game
 fisime mai-jeñicko waiñ opâ nâwec. ² Erâ waiñ
 opâ nâku mañticne sifuckezo eha, mamac-ticne
 Nebukanezazi Jerusalem taha ufuñkonec râqâc
 wiac gol â siliwazi bakicne rowec i bawarenințe
 muwec. E ñicwofuñ e jahacne â fekiecnefâc-ticne
 â ñonânñfâc-ticne erâ ñonânñ ocfâc-ticne jañe
 râqâc irecnec nânințe inuc ewec. ³ Eme râqâc
 wiac gol â siliwazi bakicne â Jerusalem taha
 ufuñkonec, Wofuñte fickonec hâcne rokiecne i

bawarembiņ. Bawarepie ņicwofuņ mecne, fekicnefâc-ticne mecne, ņonâņfâc-ticne â ņonâņ ocfâc-ticne mecne jaņe mâmâc râqâc irecnec waiņ nâmbiņ. ⁴ Ehuc nemuqâņ gol me siliwa me aeņ bâbâroņ me aeņ jâmbâņ me jâc me qânâzi ba akic ekicne i muteņkemiņ.

⁵ Iņuc ehapie izia mi ņicmezi fuarâ ņicwofuņte ficko lambe dodoma ņifecnao sâpeo dâņ qâreņkezejec i! Qâreņkehame ņicwofuņzi me râpene honewec. ⁶ Honerâ weaņkewec, erâ maņ kukumbuc ecneme fâfârehuc me kikene qarac qarac qawec. ⁷ Iņuc fuacneme qaņgec bapa â Kaldea ņic â bâpiņte fuņne mamana ņic erao bacjopa raniņte owa ruruckewec. Eme Babe haeonec mamana ņic jaņe fisipie ņicwofuņzi ziņuc jazawec: “Moc e dâņ keci woserâ fuņne naza mutâc eocmu e ņaqi furi sâko hecnepe huocmu, erâ qoqonaņ golzi bakicne i qonaņkecnepemu, ehuc mupe nore uucmaņko guriņ bapa ņic namba 3 erâ juocmu.” ⁸ Eme ņicwofuņte mamana ņic jaņe erao rafârembiņ, ehuc qâreņ i woserâ irec fuņne mutâcnecneniņte ine eipiemiņ. ⁹ Iņuc epie ņicwofuņ Belesaza e maņ kukumbuc kâcqene ecneme weaņkewec. Ehame fekicnefâc-ticne jaņe bipic tatara ejarewec.

¹⁰ Eme ņokac wofuņ e ņicwofuņte dâņ manarâ nânâficko razirâ kecziņuc muwec: “O ņicwofuņ, go dameņ tâmiric jufezemec, go maņge mi gâckezejec â mi weaņkezemec. ¹¹ Manakic, gore uucmaņko ņic moc jukac e nemu tirine jaņere mamana focnekac. Mamacge juwec dameņ ira

mañ mamanasu â mañqârâñ erâ mamana sâko i ñic erao bâfuakicne. Irec mamacge ñicwofuñ Nebukaneza eki qañgec bapa â fuñne qaqa â mamana ñic â bâpiñte fuñne mamana ñic jañere micne âkendâñnewec. ¹² Ñic e zâñene Danie, erâ ñicwofuñzi zâñe-ticne moc Beletesaza muwec. E guñte fuñne â muqâqin dâñ mutâcneocte â dâñ ñemâcne muafeckeocte mamana tara â mañqârâñ erâ mañ mamanasu focnekac. Irec go Danie wiracnetec warerâ wiac irec fuñne gaza mutâc ezejec.”

¹³ Eme Danie ñicwofuñtao jowa warembin. Injuc epie ñicwofuñzi Danie dâñ zinjuc âzâcnewec: “Mamac-nane, ñicwofuñ hâcne, eki Judanic kâpâcwâru bacjopa warewec jañeraonec moc Danie go hâcne. ¹⁴ Eme no gore fuñne zinjuc mupie manapo: E nemu tirine jañeraonec mamana focnekac, erâ mañ mamanasu â mamana tara â mañqârâñ i wâc focnekac. ¹⁵ Eme zi ñic mañqârâñhec â mamanahec jañe qâreñ keci woserâ fuñne naza mutâc eniñte jowac-jopa warembin, jañe ine injuc eniñte eipiembin. ¹⁶ Gore ine zinjuc mupie manapo: Eki wiac irec me irec fuñne sâcne mutaniñkeocmu â wiac ñemâcne irec dâñ wâc sâcne muafeckeocmu. Irec go qâreñ keci woserâ fuñne sâcne naza mutâc ecmuo ine mupe ñaqi furi sâko hegarepie huocmu â qoqonañ golzi bakicne qonañke-gareninmu. Eme uucmañ-naneo guriñ bapa ñic namba 3 erâ juzemec.”

¹⁷ Injuc mume Daniezi ñicwofuñ dâñ zinjuc bâtikiecnawec: “Bubian wiac i fogareoc, me

ȋic moc r cnezo mur  r cne; no ine sifu q reȋ keci wose-garer  fuȋe gaza mut c epemu. ¹⁸ O ȋicwofuȋ, Anutu Femicne s kozi mamacge Nebukaneza manacneme s ckehame uucmaȋ-ticnao t piri   z ȋe biȋe er  quȋqasaȋ s kohec juwec. ¹⁹ Eme Anutuzi t piri s ko r cnewecte ȋic gurune gurune   ȋicne ȋicne er  d ȋe d ȋe jaȋe ere maio qarac qarac qahuc h wic-jopawec; eki ȋic e me e qazo mur  qawec, me akickezo mur  akickewec, ehuc e me e bafaharezo mur  bafaharewec, me bawahazo mur  bawahawec. ²⁰ M c maȋfefe er  maȋr ȋeȋ b fuahuc penaroȋ eme ȋicwofuȋ ȋeȋe-ticnaonec tuȋkekiecne   z ȋe biȋe-ticne j oc rokiecne. ²¹ E ȋicguruonec j pekiecne   maȋticne i qowimaȋ tinac ewec, er  k te doȋgi jaȋehec ȋeȋe juju ewec; e bulimakao iȋucne kecqaȋ gumembiȋ   maȋiȋ titikuczi fuame sahaȋ-ticne b n ȋke-f rewec. Iȋuc fuacnekume ziȋuc mana tarawec: Anutu Femicne s ko e m reȋ ȋicwofuȋ jaȋere Wofuȋ jukac, irec uucmaȋ-jenȋic i ȋic mocte meo r ezo mur  r eocmu. ²² Eme ȋok -ticne Belesaza goki ine wiac i sasawa mana-bipiehuc maȋge moc mi b risiemenȋ. ²³ Aricne, go samb ȋte Anutu penaroȋ ecnehuc ufuȋ-ticnere r q c wiac mutec bafisipie go gahacne mecne, fekicnef cge mecne, ȋon ȋf cge er  ȋon ȋ ocf cge ȋeȋe m m c r q c irecnec waiȋ op  n mbiȋ. Er  i sawa m cne, go q ȋ q q t c maȋ mamanasu t miric gol me siliwa me aeȋ b b roȋ me aeȋ j mb ȋ me j c me q n zi bakiecnec jaȋe h cne muteȋ b teȋ ejaremeȋ.

Juju bâfua-garehuc hatage sasawa soŋaŋkeekac Anutu e ine araŋ moc mi bacnehuc jumeŋ.

²⁴ “Eme irec hâcne qâreŋ keczi eraonec fuawec. ²⁵ Sâpeo qâreŋ fuawec ine kecziŋuc: ‘Mene, Mene, Teke Ufasiŋ.’ ²⁶ Dâŋ qâreŋ irec fuŋne kecziŋuc fokac: Mene irec fuŋne kecziŋuc: Anutuzi uucmaŋgere zoaŋ gie bapa wose biric erâ bârâriewec. ²⁷ Teke irec fuŋne ziŋuc: Sigelio râecgupie ŋemâcge afecne sawa fuawec. ²⁸ Ufasiŋ irec fuŋne ziŋuc: Uucmaŋge kâdoc qarâ Medeŋic â Perisia ŋic jarekicne.”

²⁹ Eme Belesazazi mume Danie ŋaŋi furi sâko hecnepie huwec â qoqonaŋ moc golzi bakicne qonaŋkecnembiŋ. Ehuc Daniezi ŋicwofuŋte uucmaŋko guriŋ bapa ŋic namba 3 juocte mutâcnecewec.

³⁰ Ŋafe ijaha ine Kaldea ŋicwofuŋ Belesaza e qâhâmombiŋ. ³¹ Ehame Medeŋic zâŋene Dariusi eki jara 62 bazurâ tucticne qawec.

6

Danie laioŋ jaŋere nombâŋko behepie huwec

¹ Eme Dariusizi maname sâckeme soŋaŋ micne 120 râec-jopa rakume uucmaŋ-ticne sâcke-fârembiŋ. ² Ehame jaŋere guriŋ bapa ŋic jahec â moc zuhuckerâ râec-jopakicne jaŋeraonec moc Danie hâcne. Eme ŋicwofuŋ neneŋ boc ecnenziŋte soŋaŋ micne i jaŋe gie-jeŋicte binaŋ ŋic jahec â moc jaŋe bajareninŋte jazakicne. ³ Danie eki ine mamana sâkohec juwecte guriŋ bapa ŋic â soŋaŋ micne siric-jopa-fârewec; irec ŋicwofuŋzi

uucmaņ-ticnere fekicne âkendâņneocte manasuwec. ⁴ Eme guriņ bapa ņic â soņaņ micne jaņe Danie gie-ticnere bâbâsifuc moc bâfuarâ dâņgieo râeniņte manasumbiņ; erâ e gie-ticne bâbâsifuc tâmiric bianņe bâhâmowecte bahac-ticne basambiņ. ⁵ Ehuc ziņuc mumbiņ: “Nâņâc Danie keci ere dâņ moc mi bâfuananņmu, mâc Anutu-ticnere sâcmutâc dâņzi weniņuc mutâcneecneekac irec fuņne manahuc bâfuananņmu mecne.”

⁶ Eme guriņ bapa ņic â soņaņ micne jaņe quruņ herâ ņicwofuņtao fisirâ kecziņuc mumbiņ: “O ņicwofuņ Dariusi, jusananņkerâ juzemec! ⁷ Go mâreņ sâko qâhâckerâ guriņne baekic irec maņnao guriņ bapa ņic â soņaņ fekicne wahakicne, erâ wâc kansol â dâņsoņaņ juņgopeneņ nâņe sasawa maņ mocjaha erâ dâņ moc gazonaņte wareņgopeneņ. Go dâņ kecziņuc mupaņkerâ papiao qâreņketec mumutâc dâņ ezejec: ‘Nafe zoaņ 30 irec maņnao ņic moczi wiac mocte numuzo murâ no mi numu-narehuc nemu moc me ņic moc numucneocmu e laioņ jaņere nombânko behepie huzejec.’ ⁸ Irec ņicwofuņ, go mumutâc dâņ i âkendâņnerâ gahacne mezi zâņe qâreņge râetec mi hehetâmirene ezejec, Mede â Perisia ņic nâņâcne hata sananņ mi qâqâsuane fokac irec sâc hâcne.” ⁹ Eme ņicwofuņ Dariusi e mumutâc papiao zâņe qâreņ-ticne râewec.

¹⁰ Mumutâc papiao zâņe qâreņ fuame basananņkecicne, dâņ i Daniezi manarâ ficticnao rawec. Ficticne feņgaņne moc ira maņne moc fowec irec qâqâtâc katanĵ Jerusalem haeopec

gâtîñkicne domawec. Eme e ira zoaņ sâc arec 3 dienzi herâ Anutu numucnehuc danġe âzâcne jujec, irec sâcko ewec. ¹¹ Danie Anutu-ticne maickehuc numu wâwâsic ecnehuc juhame ñic keci jaņe gasacke rarâ bâfuambiņ. ¹² Izi ñicwofuņtao fisirâ mumutâc dâņ irec zîņuc muhuc âzâcnembiņ: “O ñicwofuņ, go mumutâc dâņ zîņuc râemec: Ñic moczi zoaņ 30 irec maņnao wiac mocte numuzo murâ ñicwofuņ no mi numu-narehuc nemu me ñic moc numucneocmu, eme laioņ jaņere nombânko behezo. Erâ dâņ i musanaņkehuc zâņe qâreņge mi râemec me?” Mupie ñicwofuņzi muwec: “Dâņ i basanaņkicne fokac, Mede â Perisia ñic nâñâcne hata sanaņ mi qâqâsuane irec sâcko basanaņkicne.” ¹³ Eme jaņe ñicwofuņ dâņ zîņuc bâtikiecnembiņ: “Juda mâreņkonec jowac-jopa warekicne jaņere guruonec ñic mac zâņene Danie e ñicwofuņ go mana wahacguhuc, zâņe qâreņge râehuc mumutâc dâņ basanaņkemeņ i mâmâc maname wawahane ekac, ehuc zoaņ sâc arec 3 nunumu ġie baekac.”

¹⁴ Ñicwofuņ e dâņ i manarâ bune mâretec sâqorewec. Ehuc Danie sisipirickonec bataraocte mamasu ġie bahuc juhame zoaņ huwec. ¹⁵ Eme ñic keci jaņe ñicwofuņtao zocnehuc fisirâ âzâcnembiņ: “O ñicwofuņ, go manac, Mede â Perisia ñic nâñâcne hata sanaņ zîņuc fokac: Ñicwofuņzi mumutâc me mumupaņ dâņ moc âkendâņneocmu i hehetâtiene mi fokac.”

¹⁶ Eme ñicwofuņzi mume Danie ra ro baware laioņ jaņere nombânko behepie huwec.

Ehame ñicwofunzi Danie zĩñuc âzâcnewec: “Anutuge, kiñañ zuzuhuc jaha qacnehuc juekic eki ñezicguzejec.” ¹⁷ Injuc muha qânâ moc qârândĩñkepie ra nombânj micne ñebâzickeme ñicwofunzi sâfâ fitec qambiñko e jahacne maqâreñ heutuckeme fowec, moczi moc Danie wiac injuc me injuc ecnenziñte. ¹⁸ Ehame ñicwofunzi erific-ticnao rarâ ñafeo nânâ mi nâwec, ehuc ñokacfâc-ticne jañeraonec moczi erao fezacte aka hejarewec, erâ gunte wâc mi ecnewec.

Qowi mimicne jañe Danie akickembinj

¹⁹ Hae fure pârâckeme izia ñicwofunzi faharerâ laionj jañere nombânko zocnehec rawec. ²⁰ Erâ Danie nombânko ñewec nombânj i bâqĩñkehuc busâqoc maracko owa ruruckerâ wiracnehuc muwec: “O Danie, Anutu jujunere kiñañ qaqa, Anutu zuzuhuc jaha kiñañ qacneekic e sâcne ñezicgume laionj jañe akicgumbienj me?” ²¹ Eme Daniezi ñicwofunj zĩñuc âzâcnewec: “O ñicwofunj, jusanañkerâ juzemec! ²² Anutuzi añelo-ticne soreme warejec; erâ laionj micjenjic bâbâzickeme wiac moc mi enarembienj. No honecnume bahacmâc epe injuc enarejec. Â ñicwofunj-nane go wâc wiac hehesicne moc mi egarepo.” ²³ Ñicwofunj e ine bubianj sâko manawec, ehuc Danie nombânkonec fârepie wefuocce muwec. Irec fârepie wefuwec hâcne. Ehuc sahaçnao zâpâ moc mi honembinj, i Anutu manasiñkewecte injuc fuawec. ²⁴ Eme ñicwofunzi mume Danie dâñgieo râembinj ñic i jañe â ñokac naru motecfâc-jenjic jañe mâmâc rocjoparâ laionj jañere nombânko

behec-jopapie humbiņ. Eme huha huhapie jaha mi laioņ jaņe kisuc qâsuc-jopahuc siec-jeņic kinzaņ qanzaņne-fârenzepieņ i!

²⁵ Wiac iņuc fuame ņicwofuņ Dariusizi ņic gurune gurune â ņicne ņicne erâ dâņne dâņne mâreņ sâc jurambiņ jaņerao papia moc ziņuc qâreņkerâ râeme rawec: “Wamazi ņoņerao qaja fuserâ fozejec. ²⁶ No mumupaņ dâņ kecziņuc râekopac: Nore uucmaņko ņic juraņgpieņ jaņe Danie Anutu-ticnere hâwic-jopame araņ bac-nenzepieņ.

Eki hâcne Anutu jujune,
 jurazihuc juzokac;
 ere uucmaņ i fofosanaņ,
 erâ guriņ bapa gie-ticne i tatarane tâmiric.

²⁷ Danie laioņ jaņere tâpirionec batarawec,
 eki hâcne firuec-nâpohuc akic-nâpoekac,
 e sambâņko â mâreņko
 wiac zâņe furu ehuc mâsi baekac.”

²⁸ Iņuc fuame Daniezi Dariusi â Perisia ņic Kiru jahe ņicwofuņ jupic damaņ ira juhâc qâhâmowec.

7

Daniezi guņko qowi 4 honec-jopawec

¹ Babe ņicwofuņ Belesaza e ņicwofuņ gie-ticne bahuc jume jara wâņ eha Danie e maņzâņe-ticne tâcneme guņko wiac hone manac ewec. Ehuc irec dâņ i qâhâckerâ kecziņuc muhuc qâreņkewec:
² “No maņzâņe-nane tâcneme guņko wiac kecziņuc fuame honepo: Sambâņkonec mâņâņ 4 jaņe sanaņne qapie hâweczi siri sâko qawec.

³ Ehame hâwecmanĵkonec qowi sâko ⁴ wefumbiņ, hawari-jeņĵic fuņne fuņne. ⁴ Bâbâni wefuwec e laionĵte hawari iņucne erâ fakec-ticnehec, fakec-ticne ine tucwipere fakec iņucne. Eme honehape fakec jahec-ticne unuc-jofambiņ, unuc-jofarâ mâreņkonec bâfeņnehuc ecnepie kike jahec-ticnezi ņiczi âterâ domaenĵopenenĵ iņuc âterâ domahame ņic mamasasu fuacnewec. ⁵ Eme honehape qowi moc wefuwec, qowi namba 2 e beare hawari iņucne. E ņifecpeaņ sawa faharehuc tambaraņ siec jahec â moc kisonĵnewec. Ehame dâņ ziiņuc âzâcnekicne: 'Ajoc, go faharerâ biuc bocjaha nâzemec.' ⁶ Izi ine qowi moc wefume honepo; e qowi mimicne, zâņene lepad, ere hawari iņucne. Râpenao wipe fafakec ⁴ iņucne focnewec, erâ e qizecne ⁴ jaha; qowi e tâpiri sâko râcnekicne. ⁷ Eme zuhuckerâ guņ manahuc qowi namba ⁴ wefume honepo. Qowi i ine wiac hâhâwicne, momori â tâpiri sâko-ticnehec; e micsiec-ticne i kâcĵene erâ aenĵi bakicne, e wiac sasawa nâhuc kinzaņ qanzaņnewec, ehuc tiwâne fome kike-ticnezi âtenzaņnewec. E hawarine qowi bâbâni wefumbiņ jaņere hawari iņucne mâcne, e fuņmoczi zuņene 10 bajuwec. ⁸ Eme no zuņe i hone honehape mi ņondenĵ-jeņĵicko zuņe piticne moc wefu fisizeĵec i! Wefu fisihuc ine zuņe 10 i jaņeraonec ³ âkesuec-jopame ņeunuckerâ wahambiņ. Erâ ziiņuc honepo: Zuņe piticne zâņe hândâņ focnewec i ņiczâņe iņucne, erâ micticnaonec penaroņ dâņ wahawec. ⁹ Eme no honehape

eri ñeñe wiac hepie ñeha
 ñicqizec jâmbân moczi waha ñewec;
 e ñaqi-ticne i sinou ñucne qanqan jâmbân;
 â qizec susuc-ticne ine kateñ qaqacne ñucne.
 Zocuuc erereñezi eri ñeñe-ticne ewec,
 â ñeñe-ticnere zafengân i zocbârur ñucne
 hâcne.

¹⁰ Eme ere manfunkonec zocbârur fuarâ fehuc
 domawec.

Ehame ñic tausenene tausenene jañe e kiñan qac-
 nemiñ,
 â teñ tausen gurune gurune jañe ere maio
 domambiñ;
 erâ dângie bahuc papia qaratie-fârepie
 fowec.

¹¹ “Eme zune e penaron dân mume no
 zuhuckerâ hone dendenepo. Erâ honehape
 jaha qowi i qâhâmorâ qânqân-ticne sipirickehuc
 zocko behepie zawec. ¹² Qowi gâcne jañere tâpiri
 i wâc jowac rokiçne, mâc juju-jeñic ine damen
 mukicne irec sâc bâzorakicne. ¹³ Eme no gunko
 wiac moc ziñuc zuhuckerâ honepo:

Sambân karoracko moczi fisiwec
 e hawari-ticne ñic hawari ñucne,
 fisime ñicqizec erao jowa ramiñ.

¹⁴ Eme ñic gurune gurune â ñicne ñicne â dânne
 dânne
 jañe kiñan qacneniñte tâpiri
 â zânge biñe erâ uucman bâfuacnekicne.

Tâpiri-ticne i sananene â tatarane tâmiric,
 erâ uucman-ticne i ñiczi moc mi sisipirick-
 ene.

15 “Danie no maṇnane gâckeme guṅko wiac hone manac epo i manasurâ maṇ kukumbuc enarewec. 16 Irec domambin jaṇeraonec moc maickehuc wiac kecirec fuṅne naza-jâmbânkeocte numucnepo. Numucnepe eki wiac fuawec irec fuṅne mutâcne-narewec. 17 Kecziṅuc: ‘Qowi sâko 4 i jaṇe mâreṅko ṅicwofuṅ 4 luarâ juniṅmu irec sâsâcne. 18 Fekicne sâkore tirinîcfâc jaṇe ine uucmaṅ i ro rauc erâ qaṅqaṅ qâriaṅ jurazihuc juniṅmu sanaṅ.’

19 “Inṅuc nazame qowi namba 4 irec fuṅne mana-jâmbânkezore boc enarewec, qowi e âgofâcne jaṇere sâc aricne, e hawari fuṅmoc. E boc hâhâwicne, micsiec-ticne i aeṅzi bakicne â zârâic-ticne i aeṅ bâbâroṅzi bakicne jaha. E rârec rârec wiac forawec i kinzaṅne-fârehuc nâkâcnewec, ehuc tiwâne fome kike-ticnezi âtenzaṅnewec. 20 Erâ i sawa mâcne, no qowi qizecnao zuṅe 10 domapie honec-jopapo, erâ zuṅe moc wefu fisihuc zuṅe jahec â moc âke suéc-jopame ṅeunuckerâ wahambiṅ, â zuṅe i zâṅe hândânṅhec, erâ micticnaonec sahaç mumuteṅ dâṅ wahawec, eha âgofâcne gâcne siric-jopawec, irec fuṅne i mâmâc manazore enarewec. 21 Eme no zuhuckerâ honehape zuṅe izi tirinîc jaṅehéc qaqaç eku sanaṅkewec. 22 Ehame ṅicqizec jâmbânzi fisirâ Femicne sâko tirinîcfâc-ticne jaṅere dâṅ mutarawec. Eme dameṅ maickeme tirinîc jaṅe uucmaṅ jare taha ekicne.

23 “Mârâc dâṅ nazawec ṅic ekizia mocwâc ziṅuc nazawec:
‘Qowi namba 4 irec fuṅne kecziṅuc:

Mâreñko uucmañ namba 4 fuaocmu,
 uucmañ i ine gâcne jañere sâc aricne, i sâc
 moc,

izi mâreñ sâko mâreñ bawaharâ ima bahuc
 âtenzañ qanzañne-fâreocmu.

24 3uñe 10 irec fuñne kecziñuc:

Uucmañ kecirec mañnao

ñicwofuñ 10 jaha fuarâ juniñmu,
 fua-fârepie zâhec moc fuaocmu

e gâcne jañere sâc aricne,

e sâc moc juhuc ñicwofuñ jahec â moc bawa-
 hac-jopaocmu.

25 E Femicne sâko penaroñ dân âzâcnehuc

tiriñicfâc-ticne bâzâic-jopaocmu,

ehuc hombañ dameñ â sâcmutâc dân
 bârâriehuc moc bâfuaocce manasuocmu.

Eme tiriñic jañe ere meo ferâ juhapie

jara jahec â moc â nâfocne taraocmu.

26 Taramo mumutara gie bahuc

tâpiri-ticne bawaharâ e jahacne qapie arictac
 eocmu.

27 Eme sambânñ rurumañko uucmañ forakac sâc

ira tâpiri â guriñ bapa â fekicne juju fokac

i Femicne sâkore tiriñicfâc jañere biñe
 eocmu.

Eme jañere uucmañ i tatarane tâmiric forahuc
 juocmu sanañ,

ehame guriñ bapa ñic gâcne sasawa

jañe kiñañ qajarehuc micjeñic reñkeniñmu.'

28 "Wiac hone manac ewarepo irec dân i zira
 hâcne tarakac. Danie no nahacne fuñne ine
 ziñuc: Wiac hone manac ewarepo i manasurâ

boc mezacnume weañkepo. Erâ no sifu wiac i mañkerâ jukopac.”

8

Danie e mañzâñene ñerisieme lama â noniñ ñicne honec-jofawec

¹ Belesaza e ñicwofuñ jume jara 3 eha Danie no mañzâñe-nane ñerisieme wiac moc honepo; ine bâbâni wiac honepo irec râpenao honepo hâcne.

² Wiac kecziñuc honepo: No Elam mâreñko hae qizec Susa ira juhuc Ulai opâo domapo. ³ Ehuc fipec rame lama ñicne moc opâ mecnao domahame honepo. Lama zuñene jajahec, erâ zuñe jahec-ticne i zoricne, moczi ine âgone sirickerâ domawec. Zuñe zoricne eki zâhec zâhec wefu fisiwec. ⁴ Eme lama ñicne e zoañ huhunaopec mecne faicpec mecne â juwicpec mecne rahuc qowi gâcne hecjopaocte qiqizec qawec, ehame qowi moczi moc mi sanañkecnawec, erâ ere tâpirionec wiac moc babatarane mi ewec. E iñuc me iñuc ezo murâ ehuc sañac-ticne mutenkwec.

⁵ Eme no wiac honepo i manasuhuc domahape mi zoañ huhunaonec noniñ ñicne moc mâreñ sâko mâreñ fotâcnerâ ware fisizejec i! Ehuc kikezi mâreñ moc mi âte uawec. Erâ noniñ e zâñe jahec-ticnere ñondenko zuñene kâcçene moc mai jaha domawec. ⁶ Eme noniñ eki lama zuñe jahec-ticnehec opâmecko domahame honepo erao zocnehec gasackerâ rawec. ⁷ Eme no honehape lama ñicne aaric sâko manacnehuc bâqñkerâ hehuc lama zuñe jahec-ticne hezuwec. Ehame lama ñicnezi sanañkecneocte tâpiri basawec. Irec

noniņzi mârenko hetuņkehuc kikenezi wiriņac hehame moczi moc ere tâpirionec lama batarane mi ewec. ⁸ Eme noniņ ņicnezi sahac-ticne boc bafekume zuņe-ticne kâcqene i herickeme dodomatac-ticnao zuņene 4 wefurâ mâreņ qaņeņne 4 maicke-fârerâ domambiņ.

⁹ Eme zuņe domambiņ jaņeraonec mocte ombânko zuņe piticne moc sohoc herâ wefuhuc mâreņ juwicpec â zoaņ wewefunaopeç fokac i mecne erâ mâreņ bianņe i mâmâc maic-jopahuc mâreteç sokawec. ¹⁰ Erâ soka feku mi sambân momori jaņerao fisizejec i! Fisirâ jaņeraonec gâcne mecne, erâ bâpiņ jaņeraonec gâcne mâmâc mârenko hetuņ-jopame wahapie kikezi âtenzaņ-jopawec. ¹¹ Jâmbomac, e sambân momori jaņere micne ere sâc bâfuaocce sahac-ticne boc bafewec, ehuc zoaņne zoaņne taha bâzi rikecne jumbiņ i sakarecnewec â tiri ufuņ-ticnere ņeņe hae i ima bawec. ¹² Sambân momori jaņe ere meo râec-jopakicne, ehame zoaņ sâc tiwâ bâzi rike jumbiņ i qatara-jarehuc mitio tiņne juju â eebapa i qaisockehuc râsi ecnewec. Ehame gie-ticnezi soka ņedâmârec ewec. ¹³ Eme no tiriņic moczi dâņ mume manapo, ehame tiriņic âgone moczi dâņ okacne bâtikieçnewec. Bâbâni dâņ muwec eki ziņuc muhuc âgone wiocnewec: “Zoaņne zoaņne tiwâ bâzi aka hehe â wiac mamakâcne ebac ee erâ tiri ufuņ â hae mâreņ bianņe ima bapa maņzâņezi honenņopenen i mo damenko moc taraocmu?” ¹⁴ Iņuc wiocneme âgone dâņ ziņuc âzâcnewec: “ņafe fureç 2 tausenĭ â 300 tarame

wiac i taraocmu. Eme irec faicnao tiri ufun mocwâc emasankerâ bâpiankeniŋmu.”

¹⁵ Eme Danie no wiac hone manac epo i mana tarazore ehape mi wiac moc ŋic hawari inŋucnezi nore maio fuarâ domazejec i! ¹⁶ Ehame ŋic moczi Ulai opâ mecnao domahuc dân zĩŋuc wirahuc mume manapo: “Gabirie, go ŋic keci wiac hone manac ejec irec fuŋne âzâcne mutâc etec mana tarazejec.” ¹⁷ Eme Gabiriezi manfuŋnaneo warewec. Wareme hâwicnume zâŋe mai-nanezi mâreŋko hetutuckerâ fopo. Eme eki zĩŋuc nazawec: “Ŋicte qâric, go manac: Wiac hone manac emec i dameŋ tatarare biŋe ekac.”

¹⁸ Eme eki dân nazahame guŋzi qâmâcnume mâreŋko hetutuckerâ fopo. Eki ine wiwicnuhuc bafaharecnume domapo. ¹⁹ Eme zĩŋuc nazawec: “Manakic, dameŋ bakicne i taraocmu, irec no kimbeŋ dameŋ taraocmu ira wiac fua-zokac i gaza mutâc epe. ²⁰ Lama ŋicne zuŋe jahec-ticnehec honemec i Mede â Perisia jahere ŋicwofuŋ irec sâsâcne. ²¹ Noniŋ ŋicnezi ine Grik mâreŋte ŋicwofuŋ irec sâsâcne; erâ zâŋe hândân jahec-ticnere ŋondenko zuŋe kâcŋene moc mai jaha domawec izi ŋicwofuŋ bâbâni fuarâ juocmu irec sâsâcne jaha. ²² Eme zuŋe herickeme okacne zuŋe 4 wefumbiŋ jaŋere fuŋne i kecziŋuc: Ŋicwofuŋ bâbâni fuarâ juocmu ere uucmanzi tâtieme ŋicwofuŋ 4 fuarâ juniŋmu, mâc jaŋe ere tâpirire sâc mi bâfuanŋmu. ²³ Eme dameŋ-jenŋic tarazo eha sindaŋ boc ekupie ŋicwofuŋ pepece â doc bapare fuŋne mamana moczi fuaocmu. ²⁴ E ŋic tâpiri sâkoheczi sisipiric sâko bâfua raocmu,

ehuc wiac i me i ebac ezo murâ moc mi eip-
ieocmu. E ñic tâpirihed jañe mecne â tiri ñic ñokac
mâmâc sipiric-jopaocmu. ²⁵ E eatuc gie baocte
dâñ manasu biric ehuc zoqac eme fârinehec
eocmu. Erâ pepec penaronñ ehuc ñic bocjaha
ututuñ jaha sipiric-jopaocmu. Eme juku fekie
jañere Femicne e wâc râsi ecneme ñic tâpirizi
mâcne, tâpiri moczi qanñañeocmu. ²⁶ Ñafe furec
jahere dâñ mufua-garekiecne i fârine jâmbân, erâ
sifu wiac hone manac emeñ i fuaocte damenñ
zoricecne fokacte mi mufuazemec.”

²⁷ Eme Danie no betanñerâ zoañ gâcnao
huhucne enarewec; izi âke mâtenñume faharerâ
ñicwofuñ kiñañ zuhuckerâ qacnepo, ehuc wiac
hone manac epo irec ine warecke sâqorerâ fuñe
mi mana tarahuc jupo.

9

Daniezi ñicfâc-ticne jañere erâ numuwec

¹ Ahasiwero ñokâ-ticne Dariusi e Mede
mârenko fuakicnezi Kaldea ñic jañere ñicwofuñ
erâ juwec. ² Eme ñicwofuñ gie-ticne bahuc
juhame jara 1 mi taraha Danie no miti papiao dâñ
keczinuc wosehuc jara damenñe manatâc qâtâc
epo: Wofuñte dâñ Jeremiarao zinuc fuawec:
Jerusalem hae tâtierâ jara 70 sesuctac fuarâ
foocmu.

³ Erâ no sowa juhuc matenñ qonanñerâ zafe
ruahuc Wofuñ Anutu maickehuc wâsickepo.

⁴ Erâ dâñ keczinuc mutaniñkehuc Wofuñ
Anutu-nane numucnepo: “O Wofuñ, go Anutu
kâcçene â hâhâwicne sâko, go mañzi zâficguhuc

sâcmutâc dânge mana rerenj eenjopienj jajehec zâzâfic ehuc aki anonoc ejareekic. ⁵ Nâje sâqocne bahuc hehesic bâfuambenj, nâje sindanj ehuc râpecgumbenj, erâ nâje sâcmutâc dânge huckehuc mumutâc dânge behembenj. ⁶ Ehuc kiñanñicfâcge, porofete hâcne, jaje gore michte erâ ñicwofuñ â fekicnefâc-nâñec erâ mamacfâc-nâñec â mârenj-nâñecte ñic ñokac gâcne sâko dâñ nâzâhuc juhapie mana rerenj mi embenj. ⁷ O Wofuñ, go tiñne rune, nâje ine mimi busâqoczi fai-nâñecko fewec fokac i Judanjic me Jerusalem hae rune me Israe ñic sasawa bembenjo me zoricko jujgopenenj nâje hehesic ehuc bugao bapene mârenj sâc bâtâtiec-nâpomenje iñuc hâcne fua-nârewec. ⁸ O Wofuñ, nâje wiac hehesicne egarembenje mimi busâqoczi nâñere faio mecne â ñicwofuñ â fekicnefâc-nâñec erâ wâc mamacfâc-nâñec jaje faio mâmâc fewec fokac. ⁹ Nâje go râpecgumbenj, Wofuñ Anutu-nâñec gorao ine sifu uruc jaunj â kiñ bebehe fokac. ¹⁰ Nâje Wofuñ Anutu-nâñec gore dâñ mana rerenj mi embenj, â kiñanñicfâcge porofete jaje sâcmutâc dânge mutâcne-nârembiñ irec sâcko wâc mi jumbenj. ¹¹ Aricne, Israe ñic nâje mâmâc sasawa sâcmutâc dânge huckehuc behembenj, ehuc dânge mi mamana qikiñnembenj. Irec kiñanñicge Mose ere sâcmutâc dâñko sâwecdâñ qârenjekicne fokac i sâqocne bahuc bugao bambenje nâñerao fârio qawec. ¹² Go nâje â guriñ bapafâc-nâñec uñsawanj dâñ nâzâmenj i mutec wiac hâhâwicne sâko fuarâ fai-nâñecko

fehuc fârinehec ewec hâcne. Irec Jerusalem hae wiac fuacnewec wiac injucne sâko mâreŋ gâcnao moc mi fua-jâmbânkwec. ¹³ Mosere sâcmutâc dânko okacnere dân qâreŋkedicne fokac irec sâcko fai-nâŋecko fewec; nâŋe ine eebapa-nâŋec sâqocne i beherâ Wofuŋ Anutu-nâŋec gore dân fâri qizecne mana rereŋ ehapene honec-nâpotec biankeocte mamanc moc mi jumben. ¹⁴ Irec hâcne Wofuŋ, go wiac hâhâwicne mana biric emen i mutec fai-nâŋecko fewec. O Wofuŋ Anutu-nâŋec, go wiac ebac eekic i tiŋne sasawa, nâŋe ine dânge mana rereŋ mi emben. ¹⁵ O Wofuŋ Anutu-nâŋec, go ŋicfâcge Aigita mâreŋkonec mesanaŋgezi bacjopa wahamen, ehame zâŋe biŋege fua taninkewec i miŋecgac fokac jaha, nâŋe ine sâqocne bahuc wiac sindaŋne emben. ¹⁶ O Wofuŋ, go bâbâpiaŋ giegere erâ kimben aaricge Jerusalem haeonec â tiri tikigaonec bârâriezeme. Nâŋe nâŋâcne â mamacfâc-nâŋec nâŋere hehesicte â kiŋ bahacte erâ ŋic rârec rârec juranŋopien jaŋe Jerusalem hae mecne â ŋicfâcge nâŋe mâmâc mu ruruc enâreŋgopien. ¹⁷ O Wofuŋ-nâŋec, go kiŋaŋŋicgere nunumu â wira wâwâsic i manazeme. O Wofuŋ, tiri ufunŋe sipirickekicne i gahacne bianŋte erâ zâŋe maigezi âke tamaezeme. ¹⁸ O Anutu-nâŋec, go hazec râerâ manac, ehuc zâŋe firâ sipiric-nâpokicne nâŋe mecne â zâŋe biŋege fokac hae i mâmâc honec-nâpozeme. Nâŋe tiŋne juju-nâŋecte erâ mâcne, buuruc sâkogere erâ wira wâwâsic egareŋgopenen. ¹⁹ O Wofuŋ, go manac. O Wofuŋ,

go kinênêc behec, o Wofun, go hazec râerâ bafic-nâpoc. O Anutu-nêhec, go gahacne biançe erâ nêhec zezepec mi ec! Hae sâkoge â nîcfâcge nânê hâcne gore zânê bajunçopenen.”

Jarare findanđân

²⁰ No nahacne â Israe nîcfâc-nane nânêre sâqocne mufuahuc inuç mupo, ehuc Wofun Anutu-nane tiri tiki-ticnere wira wâwâsic ecnepo hâcne. ²¹ Eme nunumu gie bahape jaha, Gabirie mârâc mañnane ñerisieme honepo, eki hâcne owa ririnçe taha bapa damençko furuc furuc qarâ norao fisiwec. ²² Fisirâ zinuç nazawec: “O Danie, no mañqârân â mamana tara garepemurâ wahakopac. ²³ Manakic, go funçerâ wira wâwâsic ehançtec dân moc fua-narewec, eme no Anutuzi mañjaun egarekacte dân i hâcne gazapemurâ zi fua-garekopac. Irec go dân i manatâc qâtâc erâ wiac hone manac emenç irec funçne mana tarazemec.

²⁴ “Nîcfâcge â tiri haege jançere jara damenç 490 mukicne i tarame qaçatara â sâqocne erâ sindançe aka fuame kinçençic behe-jarezo. Eme tinçne juju fofo sananç fua-jareme mu bararunç â findanđânzi fârinehec eocmu. Inuç fuame tiri ufunç wokemañ ruacnezo wâc. ²⁵ Irec zi manahuc mana tarac: Jerusalem hae heqârehuc bâbâpiançkere dân fuawec damenç irecnec juwe-fukuhapie jara 49 taraha nîc fekcicne moc woke-mañ ruacnekicne eki hâcne fuaocmu. Eme irec faicnao ine hae i hata â hae zonç-ticnehec bâpiançkehuc juhapie jara 434 taraocmu. I damenç hâhâwicnere mañnao inuç eninçmu. ²⁶ Eme jara

434 tarame wokemañ ruacnekicne moc dângie tâmiric kosa qâhâmpie arictac eocmu. Eme ñic fekiecne mocte ñicfâc jañe fisirâ hae â tiri ufuñ ima baniñmu. Eha tataranao zika â wiac hâhâwicne mukicne izi rumi injucne zocnehec fisime taraocmu. ²⁷ Ñic fekiecne eki ine ñic bocjaha jañehac zâzâfic sanañ ehapie jara 7 taraocmu. Erâ dameñ irec mañnao ine taha bâzi â taha wiac gâcne irec aka heme omaeocmu. Ehame irec okacne qâñ qâqâtâc mamakâcne moc âkendâñepie domaocmu. Domakume ine okacne mukicne izi fisirâ sisipiric ñic ere faio feme taraocmu.”

10

Danie e Tigrisi opâo domahuc wiac moc honewec

¹ Kiru e Perisia ñicwofuñ jume jara 3 eha Danie, zâñe-ticne moc Beletesaza mukicne, erao bararuñ dâñ moc fuawec. Eme dâñ i fârine jâmbâñ erâ wâc wiac hâhâwicnere mukicne. Danie eki ine dâñ i manarâ irec fuñne mana tarawec.

² Danie no dameñ ira ki mamakuc ehuc juhape sonda 3 tarawec. ³ No wiac aañacne moc mi nâpo â qowi me waiñ opâzi micnaneo moc mi huwec, erâ wokemañ moc ni rurua juhape sonda 3 tarawec hâcne. ⁴ Eme no mosa namba 1 irec zoañ gie bapa 24 ira opâ sâko moc zâñene Tigrisi irec mecnao domapo. ⁵ Ehuc fipec rame ñic moc qoruc zoranehec domaha honepo, ñic e gâjoñnao umbika moc Ufazi mârenkonec golzi bakicne i rodomawec. ⁶ Sahac hawari-ticne i qânâ furi

sâko weweaņne iņucne, zâņe mai-ticne i bâbâric iņucne, zâņe jahec-ticne i waha tamaeekac irec sâc, me kike-ticne i aeņ bâbâronzi bâricneekac irec sâc, â dâņ marac fânâņ-ticne i ñic guru sâko jaņere dâņ marac fânâņ iņucne. ⁷ Eme Danie no wiac fuawec i bucnane hone manac epo, ñic nohec jumbiņ jaņe ine hone manac mi ehuc mâc qarac qarac boc qambiņ, ehuc soņkezo wisemiņ. ⁸ Wisepie wiac bipic tatarane keci fuawec i buc juhuc hone manac epo; eme sasanaņ-nane omaeha zâņe mai-nane weaņkeme betanķe-jâmbâņkepo. ⁹ Iņuc fuame no ñic dâņ marac fânâņ-ticne manapo, ehuc mâreņko hetu-tuckerâ hâmocne hawari fopo.

¹⁰ Ehamē meticnezi rocnuâ bafaharecnume qarac qarac qahuc menanezi bâsiņnehuc dienzi herâ ñepo. ¹¹ Eme ñic eki ziņuc nazawec: “O Danie, maņjauņ egarekicne, no dâņ gazakopac i hazec hâric jaha manarâ faharec, no zi gorao sorecnukicne hâcne.” Dâņ iņuc nazahame manarâ qarac qarac qahuc faharepo. ¹² Faharepe ziņuc nazawec: “Danie, go mi hâwicguoc, go wiac hone manac emeņ irec fuņne mana taracmurâ Anutugere maio maņhuhuņ jumeņte dâņge fuņnaonecteaņ manakicne. Eme no irec hâcne warepo. ¹³ Perisia mâreņte ñic fekicne eki zoaņ gie bapa 21 râsi enarehuc aka henarewec. Eme Mikae, aņelo fekicne jaņeraonec moc hâcne, eki ine baficnuocte fisime behepe Perisia mâreņte ñic fekicne ehēc juju gie bapic. ¹⁴ No ine ñicfâcge jaņe zâhec dameņko wemo wiac fua-jarezokac irec dâņ gazape mana taracmurâ warekopac; wiac fuame hone manac emeņ i zâhec dameņte

biņe hâcne.”

¹⁵ Dâņ iņuc nazahame no zâņe mai-nane mâreņko hetutuckerâ mumutucne enareme fopo. ¹⁶ Ehame moczi mi ñic hawari iņucne fuarâ micbipic-nane bâuazejec i! Bâuame micnane aņkerâ mai-naneo domawec e dâņ ziņuc âzâcnepo: “O bomboņ-nane, no wiac fuame hone manac epo, irec me kike-nane qarac qarac qame tâpiri-nane omaewec. ¹⁷ Eme zi bomboņ-nanere kiņaņņic no tâpiri â nokafe basahuc bomboņ-nane gohec wemocko dâņ muc manac enacmu?”

¹⁸ Eme ñic hawari iņucne fuawec e mocwâc bâuacnuhuc basanaņnuwec. ¹⁹ Ehuc muwec: “O ñic maņjauņ sâko egarekicne, go mi hâwicguoc; go wamao hâbi hâro juzemec.” E iņuc nazahame sanaņkerâ ziņuc mupo: “O bomboņ-nane, go basanaņnumecte dâņ nazazemec.” ²⁰ Eme muwec: “No fuņne wenïucte gorao warekopac i moc manakic me? Zi ine risiepe Perisia mâreņte fekicne ehac qaçac enacmu; eme e bawaha-fârepe Grik mâreņte fekicnezi ware fisiocmu. ²¹ No jahe bawahac-jofazore ñic moczi moc mi baficnuocmu, aricne, aņelo fekicne Mikae e mocjahazi baficnuocmu. Qanaņ ine dâņ fâri qiçecnere papiao dâņ qâreņkekeicne fokac i gazape manazemec.

11

¹ “No ine Mede ñic Dariusi e ñicwofuņ jume jara 1 eha faharerâ (Mikae) bafickehuc basanaņkepo wâc.

Mâreņ faic â juwic jahere ñicwofuņ

2 “Zi dân fârine gaza mutâc epemu. Manakic, Perisia mârenko ira ñicwofuñ jahec â moc zuhuckerâ fuaniñmu. Eme ñicwofuñ namba 4 fuaocmu ere mafa mâriri izi ñic gâcne jañere siricke-fâreocmu. Eme moneñ mafa wiac-ticne bocjaha fuacneme tâpirihêc erâ ñicne ñicne jañe Grik ñicwofuñ râsi ecneniñte qafen-jopaocmu. 3 Irec faicnao ine ñicwofuñ moc tâpiri sâkohec fuarâ uucmañ kâcçenere guriñ bapa gie baocmu, ehuc e jahacne mañte wiac i me i ezo murâ mi quñkeocmu. 4 Eme uucmañ-ticne izi fua qârânkerâ foha qâjâpeçfâc-ticne jañe bâfâuckerâ mâreñ qañeñne 4 ira kâdoc qapie rafâreocmu. Qâricfâc-ticne jañe ine moc mi jarepie rauckeniñmu. Eki uucmañ rauckerâ bajuwec irec sâc qâjâpeçfâc-ticne jañe mi bajuniñmu. Uucmañ-ticne bâfâucke-jâmbânkerâ qâjâpeçfâc-ticne jañacne â ñic gâcne ro rauc eniñmu.

5 “Eme juwic mârenkonec ñicwofuñ e tâpiri sâkohec eocmu, mâc fekicnefâc-ticne jañeraonec moczi sirickerâ guriñ bapa gie jaha baocmu, ehame uucmañ-ticne i mâretêc fua qârânkeocmu. 6 Eme jahe jara wezimuc taramê zâzâfic enicmu, ehame juwic mârenkonec ñicwofuñ ere otâzi faic mârenñte ñicwofuñ erao fisime ñonân-ticne rome zâzâfic-jekic i basanañkenicmu. Mâc zâzâfic irec fârine biañne mi fuarâ foocmu â qâricfâc-jekic jañe mâreñ ira wâc mi jusanâñkeniñmu. Aricne, ñokac mecne, jume jujufâc-ticne mecne, qâric-ticne mecne erâ ñowe-ticne mecne jañe mâmâc doc bacjopahuc beheç-jopaniñmu.

7 “Dameñ ira ñokacte soctofâ moczi fuarâ

ņicwofuņte tuc qaocmu, ehuc faic mâreņkonec
ņicwofuņ ere momorifâc râsi ejarehuc
hae sanaņ-jeņicko razirâ sanaņkehuc ima
bacjopaocmu. ⁸ Erâ nemuqâņfâc-jeņic â râqâc
wiac furi sâko gol me siliwazi bakicne, i Aigita
mâreņko barâ raocmu. Ehuc jara gâcnao faic
mâreņte ņicwofuņ ehēc rârâsi mi enicmu. ⁹ Eme
irec faicnao faic mâreņte ņicwofuņzi juwic
mâreņko râsi fisirâ juku mocwâc e jahacne
mâreņko risieocmu.

¹⁰ “Eme juku ņokâfâcne jaņe zika bâiņnehuc
momori guru sâko hetumaņ-jopaniņmu. Ehame
jaņeraonec moczi momorifâcne rocjopame
rumi wânzâņnehēc iņucne mâreņ fotâcne raku
râsifâc-jeņic jaņere hae sanaņko fisiniņmu.
¹¹ Iņuc fuame juwic mâreņte ņicwofuņ e aaricke
sâqoreme fisirâ faic mâreņte ņicwofuņ ehēc qaqac
enicmu. Eme faic mâreņte ņicwofuņ e momori
guru sâko hetumaņ-jopame sifu juwic mâreņte
ņicwofuņ ere meo fefâreņiņmu. ¹² Fefârepie juwic
irec ņicwofuņ e penaroņ ehuc ņic tausenġ guru
bocjaha qâhâmoc-jopaocmu. Erâ e sifu sanaņkerâ
mi juocmu. ¹³ I faic mâreņte ņicwofuņ eki mârâc
momori guru rocjopawec irec sâc sirickehuc
rocjopaocmu hâcne. Erâ juku damaņ-ticne
maickeme momori guru sâko â zikare wiac
sasawa-ticnehēc ware fisiocmu.

¹⁴ “Damaņ ira ņic bocjahazi faharerâ juwic
mâreņte ņicwofuņ râsi ecneniņmu. Ehame
gahacne guruonec ņic zâzâicne gâcne jaņe
findaņdâņ mocte fârine bâfuaniņte giene
baniņmu wâc, erâ irec fârine mi bâfuahuc

waha jopaocmu. ¹⁵ Eme faic mârenkonec ñicwofunzi fisirâ somâ bahuc hae sanan roocmu. Ehame juwic mârenkonec momori guru jaje sâcne mi sanankecneniñmu, â momori rowosâec-jopakicne jaje sanankecneniñte tâpiri basaniñmu wâc. ¹⁶ Irec juwic mârenje ñicwofun râsi ecnehuc fisiocmuzi e jahacne mañte inuc me inuc ezo murâ eocmu, ehame moczi moc mi sanankecneocmu. E mârenj bianñao jusanankehuc mârenj i furu jaha ro rauc eocmu. ¹⁷ Ehuc juwic mârenje ñicwofun ere uucmañ i wâc ro rauc efâreocte mañne domaocmu. Ehuc juwic mârenj sipirickeocte ñicwofunheç zâzâfic burec burec ehuc otâ-ticne e ñonân-ñicne eocte qikiñnecneocmu. Erâ sifu wiac manasu biric ewec i fârio mi qaocmu. ¹⁸ Eme irec faicnao hâwec heririñko ñic juranñopien jañerao wâc ra fisirâ bocjaha kâpâcwâru bacjopaocmu. Ehame momori micne moczi sanankerâ pepeç-ticne bawahahuc okacne bazucneocmu. ¹⁹ Erâ irec faicnao e jahacne mârenje fic hae sananñopeç risiezo ehame sisipiriczi maickeme mocwâc mi honeniñmu.

²⁰ “Eme ere âkehoc ñicwofun moc fuaocmu e kia moc soreme ra mârenj bianj i fotâcnehuc takesi moneñ roocmu; ñicwofun eki ine dameñ bembene sawa juhame tâtâcko qaqaç ehuc mâcne, sonñonko kosa qâhâmoniñmu. ²¹ Ere âkehoc ñic moc behe qaisoc ecnekicne â eri ñeñeo ñeocte mi manacnekicne eki hâcne fua tâcneocmu. E ututuñ fisirâ ñic mu bâdoc ejarehuc ñicwofun gie rauckeocmu. ²² Eki hâcne râsifâc-ticne

rumi inucne fisi-jarehuc jopa qâhâmoc ejareocmu, ehuc zâzâfic eere ñic fekiecne e sâc ijaha ecneocmu. ²³ Ehuc zâzâfic embiñ ñic i jañe hâcne dameñ ira fuñkerâ eatuc-jopaocmu, ehuc ñic afecne rocjopará zika qahuc sanañkeocmu. ²⁴ Eme ñiczi mi manahapie ututuñ jaha mâreñ biane guéc-ticnehec ira fisirâ mamac ñosafâcne jañe mâsi moc mi embiñ i hâcne ehuc mafa mateñ â wiac gâcne fiuckekicne i ñicfâc-ticne kâdoc qajareocmu. Ehuc hae basanañ-jopakicne jañe imac-jopaocte irec dâñ i dameñ bembene sawa mana biric eocmu. ²⁵ E tâpirihec erâ hâbi-ticne rohuc momori guru sâko rocjopará juwic mâreñte ñicwofuñ râsi fisicneocmu. Eme juwic mâreñte ñicwofuñ e inuc jaha momori guru kâcçene sâko jâmbâñ rocjopame qaçac eniñmu. Mâc ñicfâc-ticne gâcne jañe doc bapie sâcne mi sanañkeocmu. ²⁶ Ehame nânâ nâ gumec ejareocmu jañe hâcne eki sipirickeocte giene baniñmu, erâ râsi jañe momorifâc-ticne jâpec-jopahuc bocjaha qâhâmoc-jopaniñmu. ²⁷ Ñicwofuñ jajahéc jahe ine jahackoañ eeatuc ehuc mamana gie banicmu, ehuc tebo ijaha ñehuc burecdâñ nazañ gazañ enicmu, mâc dameñ-jekic bakicne i biac mi maickeocmure irec fârine wâc biac mi fuaocmu. ²⁸ Eme faic mâreñte ñicwofuñ e mafa mâriri sâkohec mâreñ-ticnao risieocmu. Mâc mañticnezi tiri zâzâfic râsi ecnehuc wiac mana biric ewec irec fârine bâfuarâ mâreñ-ticnao risieocmu hâcne.

²⁹ “Eme juku dameñ bakicne i maickeme juwic mâreñ mocwâc râsi fisicneocmu, mâc

juwicnao sanan̄ke-jarewec irec sâc mi eocmu.
³⁰ Kitim mâren̄konec woke jaņe râsi fisicnepie hâwickeme risieocmu. Risiehuc aaricke sâqoreme tiri zâzâfic râsi ecneocmu. Erâ risierâ tiri zâzâfic qikin̄nemiņ ȳic i jaņere dân̄te hazec rârâe juocmu. ³¹ Eme momorifâc-ticne jaņe fuarâ taha ufuņ â ficsanaņ-ticne wâwânâņ ecnehuc zoaņne zoaņne taha bâzi rikeeņgopieņ jaņe aka hejareniņmu, ehuc wiac mamakâcne sisipiric-ticnehec i âkendâņnepie domaocmu. ³² Eme zâzâfic hetâcneniņmu jaņe eatuc-jopahuc bâdoc-jopame erao qohotaniņmu, Anuturao qohotaniņmu jaņe ine sanaņkerâ okacne bârisiecneniņmu. ³³ Guru-jeņicko maņqârâņhec juņgopieņ jaņe ȳic bocjaha qazu-jarepie manahehc eniņmu, mâc dameņ gâcnao zikare â zocte biņe eniņmu me kâpâcwârû bacjopahuc mafa wiac-jeņic fiuckeniņmu. ³⁴ Waha jopame bafic piticne moc fua-jareocmu, ehame ȳic bocjahazi eatuc-jopahuc jaņerao zuhuckeniņmu. ³⁵ Eme manahehc jaņeraonec gâcne jaņe dameņ gâcnao waha jopaocmu wâc, i dameņ tataranao sanaņkerâ nanaņ zurec zurec jaha domaniņte iņuc hâcne fua-jareocmu. Anutuzi zâfo bawec i biac mi maickewec irec iņuc fuaocmu.

³⁶ “Eme ȳicwofuņ e maņticnere wiac kosa eocmu, ehuc sahad-ticne bafehuc muten̄kerâ nemu bawahac-jopa-fâreocmu. E nemu jaņere fekicne, Anutu hâcne, ere dân̄ qacne gâpâcne muocmu wâc. Eme iņuc me iņuc eme fârine tinac ehame kimbeņ dameņ taraocmu, ehame wiac fuaocte mupaņkekicne i fua taraocmu hâcne.

³⁷ E mamacfâc-ticne jaņere nemu araņ mi bajareocmu, me ņokac jaņere joroc nemu me nemu i me i jaņe wâc mi sâsec-jopaocmu, aricne, jaņe sasawa mana wahac-jopahuc e jahacnere mocjaha maname fefene eocmu. ³⁸ E hae sanaņ sasawa irec nemu mocjaha araņ bacneocmu, mamacfâc-ticne kâuc bambiņ nemu i hâcne gol, siliwa â qânâ furi sâko erâ taha wiac fekicne i râcne tahac eocmu. ³⁹ Ehuc nemu furune araņ bajareniņmu ņic i jaņe hâcne hae sanaņ-ticne ņerakac irec soņaņ râec-jopaocmu; erâ e jahacnere manapie feocmu ņic i jaņe bafaharec-jopahuc ņic bocjaha soņaņ-jopaniņte âkendâņ-jopaocmu, ehuc furire erâ mâreņ kâdoc qajareocmu.

⁴⁰ “Damenę tataranao juwic mâreņkonec ņicwofuņzi râsi ecneocmu. Faic mâreņkonec ņicwofuņ eki ine mânâņ qicwânzâņ qaekac irec sâc keretac â becâsicko rara ņic erâ woke wiachec fisicneocmu. Ehuc rumi iņucne mâreņ dâkâne dâkâne fotâcne rahuc sâcke-fâreocmu. ⁴¹ Erâ mâreņ biaņnao wâc fisiocmu, ehame ņic 10 tauseņ gurune gurune jaņe hâmoniņmu. ņic kecziņuc jaņe ere meonec batarac-jopazo: Edom â Moabi erâ Amoniņic nâfocne jaņe hâcne.

⁴² E meticne sicnehuc mâreņne mâreņne râsi ejare raku Aigita mâreņ wâc mâmâc ecneocmu.

⁴³ E Aigita mâreņte gol â siliwa â mafa wiac gâcne furi sâko i mâmâc raucke-fâreocmu; ehame Libia â Etiopia ņic jaņe e bâjâpeniņmu. ⁴⁴ Mâc zoaņ wewefunaonec â faic mâreņkonec biņe bâroņ gâcne fisime mana fâfârerâ kimbeņ aaric sâko manahuc ņic bocjaha jopa sipiric ehuc

bâsirowec-jopaocte fahare raocmu. ⁴⁵ Ehuc ñicwofuñ qoruc boze-ticne i hâwec â tiri tiki bianne ñonden-ñekicko fâreme ñeocmu, ehame moczi moc mi bafickehapie hâmoocmu.

12

Tatara dameñte dân

¹ “Damenñ ira añelo micne sâko Mikae e Israe ñic âgofâcge ñezic-jopaekaczi fua tâcneocmu. Ehame zârâ hârîñ dameñ fuaocmu dameñ ñucne i ñic fua wefumbîñkonecteañ moc mi fuarâ fowec. Ñicfâcge zâñe-ñeñic juju sanañte papiao qârenñekicne fokac jañe ine dameñ ira batarac-jopazo. ² Eme hâmorâ mârenmanñko foengopienñ jañeraonec bocjahazi qârerâ faharenîñmu, ehuc gâcne jañe juju sanañte biñe ehapie gâcne jañe ine mimi busâqoc â sisipiric sanañte biñe enîñmu. ³ Ñic manñqârânñhec jañe sambânñ tatamac ñucne tamaenîñmu, â ñic bocjaha tiñne jujure hatao jowac-jopambîñ ñic i jañe ine bâpiñ ñucne tamaehuc junîñmu sanañ. ⁴ Danie goki ine dân gaza gowatuc ekicne i ñic moc mi jajaza papia sâfâzi basanañkerâ mâc râetec foha dameñ tarazejec. Eme dameñ ira ine ñic bocjaha jañe wose gufuc ekupie mamana-ñeñic fua qârânñkezejec.”

⁵ Eme Danie no zâñe fiñe rame mi añelo opâ ziñuc ocnîñuc domahapire honec-jofazepac i! ⁶ Ehuc añelo moc opâ faicnao qoruc zora rodomawec e ziñuc muhuc wiocnepo: “Wiac hâhâwicne keci mo dameñko taraocmu?” ⁷ Eme añelo opâ faicnao qoruc zora rodomawec eki

mejahec-ticne sambânkopec sicnehuc juju sanan rune erao qetickehuc dân zinjuc mupañkewec: “Jara jahec â moc â nâfocne taraocmu. Eme tiri ñic ñokac jañerao sisipiric gie baekac ere tâpiri omaeha wiac i sasawa tara-fâreocmu hâcne.”⁸ No dân i manarâ fuñne mi mana tarapo, irec zinjuc muhuc wiopo: “O bomboñ-nane, wiac kecirec fârine juku weninjuc fuazokac?”⁹ Eme muwec: “Danie, go razemec, dân keci ñic hesoñke-jarehuc sâfâzi basanañkekecne injuc foha juku damen taraocmu hâcne.”¹⁰ Ñic bocjahazi manjenic zure zumururuc epie qaqac taenhe eocmu; ñic hehesicne jañe wiac hehesicne jaha eniñmu, ehuc mamana tarahec mi eniñmu, mañqârâñhec jañe ine mana taraniñmu.¹¹ Taha bâzi ririkere aka hehuc wiac mamakâcne sisipiric-ticnehec ebac eniñmu damen ira fuñkerâ jufekuhapie zoañ gie bapa 1 tausen 290 taraocmu.¹² Ñic moc e zoañ gie bapa 1 tausen 335 taraocme woñec jufeocmu ere manape zerine eocmu.¹³ Go ine rahuc jukuhantec damençe tarazejec. Eme zâñerunjo foku damen tataranao faharerâ wiac kâdoc qagarekicne i rauckezemec.”

Kâte Bible
The Holy Bible in the Kâte language of Papua New Guinea
Buk Baibel long tokples Kate long Niugini

copyright © 1978 The Bible Society of Papua New Guinea

Language: Kâte (Kate)

Translation by: Bible Society of Papua New Guinea

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures. Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2023-02-09

PDF generated using Haiola and XeLaTeX on 21 Apr 2023 from source files dated 9 Feb 2023

76869875-8293-5126-8b67-c576c145ac3c